

JOHANNIS ANTONIDÆ
VANDER LINDEN

DE

HEMICRANIA MENSTRUUA,

HISTORIA ET CONSILIUM:

AD

Serenissimam Principem,
LOWISAM AVRIACAM,
Marchionissam Brandenburgicam, &c.



*Canall.
Lugd.*

*fabroner ag. p. p.
narat. fil.
Andr. nepos 1693.*

LVGDVNI BATAVORVM,
Apud JOHAN. ELSEVIRIUM, Acad.

Typographum.

CIO CIO LX.

AMERICAN JOURNAL



Published by the
American Journal
Company
New York



SERENISSIMÆ

PRINCIPI AC DOMINÆ,

DOMINÆ

LOWISÆ

AURIACÆ,

SERENISSIMI ATQUE POTENTISSIMI
PRINCIPIS AC DOMINI,

DOMINI

FRIDERICI

GVLIELMI,

DEI GRATIA MARCHIONIS
BRANDENBURGICI: S. ROM.
IMP. ARCHICAMERARII ET

* 2

ELE-

ELECTORIS: MAGDENBUR
GENSIUM, BORUSSORUM,
CLIVIORUM, JULIORUM,
MONTENSIUM, STETINO
RUM, POMERANORUM, CAS
SUBIORUM, VANDALORUM,
ET IN SILESIA CROSNENSIUM
AC JAGERSDORFFENSIUM DU
CI: BURGGRAVIO NORIBER
GENSI: PRINCIPI HALBER
STADIENSI ATQUE MINDENSI:
COMITI MARCÆ AC RAVENS
PERGI: DYNASTÆ RAVENS
STEINI, UT ET CETERORUM

PRINCIPIS AVGVSTI,

A V G V S T Æ,

BENE,

CORPORE ET MENTE,
HABENDI PERPETUITATEM,
VALENDI PROSPERITATEM,
AGENDI FELICITATEM,

AB OMNIUM AUTORE

DEO OPT. MAX.

O. O.

O.

ERENISSIMA PRINCEPS:



ANITATEM huma-
narum rerum optimam &
optatissimam esse, majore ne-
mo opus amissæ testimonio
habet. Quemadmodum au-
tem, quæ inæstimabilis pretii
unionem in domo perdidit,
accendere lucernam, verrere
pavimentum, excutere scrinia,
lustrare omnia, donec eum re-
pererit, quantacumque etiam
vel corporis fatigatio vel ani-
mi desperatio obrepat, haut
umquam tamen cessat: ita
omnis homo oppressam mor-

DEDICATIO.

bo sanitatem , tamquam occultum agro thesaurum , non desiderare flagrantissimo pectoris desiderio non est potis. Qua face semel in corde, foco affectuum , accensa , ecquid abstinere valetudinarium , nedum ægotantem potest, quominus , præmissis ad cœlum ardentissimis precum , etiam Altissimi donum Medicinam consulat , humanæ tum saluti in præsidium , tum valetudini in auxilium , tum miseriæ in solatium largitam artem? Quo ipso mirari præpropere , imo præpostera curiositas desinet, quid SERENISSIMAM CELSI-

T U-

DEDICATIO.

TUDINEM tuam moverit, ut,
 Sanitate cum menstrua nuper
 molestia, & ipsam Majestatis
 arcem, Sapientiæ templum,
 Justitiæ tribunal, Clementiæ
 asylum, Vigilantiæ speculam,
 Sublimitatis domicilium, Hu-
 manitatis castrum, Benevolen-
 tiæ miraculum, Beneficentiæ
 promptuarium, tot Virtutum,
 & omnium in SERENISSIMÆ
 CELSITUDINIS tuæ persona
 summo gradu præcellentium,
 sedem invadere ausa, luctante,
 jusseris fama & opere præcla-
 ros tuos Archiætros historiam
 Affectus, totiens SERENIS-
 SIMÆ CELSITUDINIS tuæ
 pro

DEDICATIO.

pro populo curarum, occupato in externo & justo bello DOMINO, vices interpellantis, & una ingentem Populi mœrorem atque sollicitudinem immane renovantis, scripto consignare, conscriptamque Medicis alibi gentium celebrioribus communicare, omniumque de natura ejus & remediis sententiam postulare. Pietas enim, qua subditis in exemplar incomparabile præluces, non fateri cum humanæ infirmitatis tum divinæ paternitatis exemplum vetabat. Charitas autem, qua regere cives & dulce in obsequium
 orq
 etiam

DEDICATIO.

etiam rapere cunctos tamquam divino fascino soles, non patiebatur SERENISSIMÆ CELSITUDINIS tuæ lucem, velut omni nova luna obscuratam, tot terrarum, tot civium, tot amicorum, tot supplicantium pro salute clientum conspectui cum tremore omnium subduci. quin aliquando eam, discussis mortalitatis nebulis, reddere in solidum cunctis gestiebat. Fortitudo denique, qua stupendo animi & invadendo viris vigore sævissimum dolorem sustinuisti &, quod gratulor, superasti, medicinam non solum foris

etiam

DEDICATIO.

etiam quærere prudentiæ imperabat, sed &, uti in propria SERENISSIMÆ CELSITUDINIS tuæ persona Aulæ squa-
lenti, Populo dolenti, Ecclesiæ lugenti faceres, de facili ab amoris erga omnes teneritudine impetrabat. Me vero etiam quod, SERENISSIMA PRINCEPS, vocare ad partes, & honore consulendi, ac splendore respondendi, atque favore admittendi, tot gratiis gratiose exornare dignata es, id vero est, quod cum ea, quam SERENISSIMÆ CELSITUDINI tuæ debeo, veneratione & antehac agnovi,
maior
&

DEDICATIO

& in præsentia rursus agnosco. Nam amicis, interesse Artis putantibus, ut in publico & singulares casus & elucubrati labores extent, atque eapropter Consilii, à me super SERENISSIMÆ CELSITUDINIS tuæ affectu, non quidem pro tam illustris personæ dignitate, verum pro meæ suspensibilis tenuitate, summa tamen attentione atque cura accurati, editionem flagitantibus, ut nihil negare honestumquam potui, ita hoc non debui. Quandoquidem vero, huic partui quærendus, more seculi, esset aliquis initiationis

DEDICATIO.

arbiter, ad cujus me, si non ad
 SERENISSIMÆ CELSITUDI-
 NIS tuæ manus, verterem? ne-
 que enim alienare licebat,
 quod tuæ valetudinis causa
 conceptum natumque fuit.
 Suscipere ergo etiam digna-
 re, SERENISSIMA PRINCEPS, quod
 nasci voluisti, quodque semel
 natum, quamdiu vivet, pro
 vita tua, pro incolumitate, pro
 domo, pro imperio facere ad
 Deum, omnis boni largitorem,
 pia vota precesque num-
 quam cessabit. Hoc spondeo,

SERENISSIMÆ

CELSITUDINIS TUÆ

cultorum & clientium humillimus,

VANDER LINDEN.



EXCELLENTISSIMO

DOMINO,

D. GULIELMO
STRATENO,

CELSISSIMÆ ET ILLUSTRISSIMÆ

DOMUS AURIACÆ

ARCHIATRO,

JOH. ANTONIDES

VANDER LINDEN

SALUTEM.



EXCELLENTISSIME
DOMINE:

ANNUS est, quod do-
mi fratris Hermannii Vander Linden,

**

3

Ver-

E P I S T O L A.

Verbi divini in Hagienſi eccleſia
 præconis, exhiberes mihi Hiſtoriam
 ſive, ut mos eſt appellare, caſum
 affectus ad conſulendum propoſiti;
 ſimul & rogares diligenter eum ex-
 pendere, & quam maturrime reſpon-
 ſum, utriusque noſtrum & manu
 ſubſcribendum, & nomine remit-
 tendum, concipere. Promiſi facturum,
 quantum equidem per occupationes
 liceret. Domum reverſus primo quo-
 que die me accinxi ad opus, & quod
 exhibitum eſſet, legi, relegi, iterum,
 tertium. Nempe accidebat, ut, quod
 me primum intelligere putarem, non
 intellexiſſe poſtea comperirem. Re
 perſpecta, primo impetu analyſin con-
 cepti in brevi tabella, & pro cynoſu-

E P I S T O L A.

*ra meditationum. Post quem evenit,
 ut meum quidem fervorem, quem
 animo jam egregii quid pro salute
 tam Illustris personæ & in artis de-
 cus præstandi conceperam, avoca-
 tiones non unæ sufflaminarent. Suc-
 cessit altera hebdomada, quæ, quod
 esset Academiæ Rectoris nominatio-
 ni & inaugurationi sollemnis, in soli-
 dum quoque à suscepta cura, quan-
 tumvis invitissimum abstinuit. Ter-
 tia, jam ferias & otium nactus, to-
 tum me huic uni rei applicui. Ad
 cujus accuratissimam expositionem
 quando vocari nos viderem, religio
 fuit, non satisfacere Nobilissimorum
 SERENISSIMÆ PRINCIPIS
 Archiatrorum expectationi. Et, volo
 enim*

E P I S T O L A.

enim verum tibi fateri, subveniebat animo, hoc esse tempus ostendendi, quid Medicina medicinae, Rationalis empiricae differat: imo ostentandi (absit invidia verbo!) nobile illud *χῆμα*, quo Hippocrates suos filios, hoc est, veros medicos sese induere hortatur in l. de Eleg. II. 41. Scio te novisse, quem professoriam dignitatem in *Ultrajectinensium Academia* primum & primo loco & summa cum laude & ingentibus meritis sustinuisse tot annos scio. Non mihi impero tamen, ut ne, vel in eorum gratiam, qui haec lecturi sunt, ipsa, & cedro digna, verba apponam. Veri, inquit, *medici sunt οὗτος λόγος αἰνῶσι, πᾶν τὸ ἰσὸς εἰχθὲν ἐκφέροντες, δεπὶν χεῶνται, χά-*

E P I S T O L A.

οἱ διακείμενοι, δόξη τῇ ἐκ τετέων διήκου-
ζόμενοι, ἐς ἀληθείαν πρὸς τὸ ὑποδείχθαι ἀπο-
τελεσματιζόμενοι. *Quin veniam rogo re-*

petendi, propter eos, qui, quæ seculi
ad barbariem gradus grandientis in-
felicitas est, græce ignorant. Sunt in
sermonibus prompti & potentes: quid-
quid proferunt, demonstrant: eloquio
utuntur puro & perspicuo: quod
agunt, cum gratia factitant: pro
gloria, quam dictis factis merentur,
etiam, si opus, ut modeste, ita magna-
nimiter contendunt: Veritatem vero
numquam non, si demonstretur, ani-
mo ab omni opinionum uligine defe-
cato lubenter admittunt. Hoc itaque
exemplar præ oculis habens, lubido
me, sed, nisi in re propria cæcu-

tio,

E P I S T O L A.

tio, honesta atque tempeſtiva inceſſit
 illud exprimendi. Magnum vidi,
 & volui; quod etiam, voluiſſe, ma-
 gnum. nam, In Arduis Virtus Li-
 quet. Aſt meæ voluntati accidiſſe
 nullus dubito, quod puerorum cupidi-
 tati ſolet. Plerumque enim fit, ut
 plura oculus, quam venter capiat.
 Interea illuc dum omnibus ingenii ner-
 vis contendo, dum nihil inconfidera-
 tum, nihil intentatum, nihil inde-
 monſtratum relinquere ſatago, creſcit
 opus, tempus abit. Itaque jam quar-
 ta ſeptimana, ſive ab opere revera
 incepto altera, quo ne tuam aut ſal-
 lere ſpem aut trahere expectationem
 viderer, fratrem tibi renunciare ro-
 go, eſſe ſub manu opus, & me in
 eo,

E P I S T O L A.

eo, ut accurem. Exhinc evênit, nescio post quam paucos dies, certe intra eamdem hebdomadam, ut tu corpori, ille animæ medicinam præsturi conveneritis in eisdem ædibus. Ibi tu, nondumne absolverim, quærere: & , neganti se scire, diem dicere, quo abeundum tabellario, & mittendum cum eo responsum esset. Is, quia moram non patiebatur, nuncio confestim significatus. Quod mihi jam currenti calcar admotum ita incitavit, ut noctes reliquas diebus junxerim, atque ita confecerim septimæ novissima. Qui me plus diem non debuisse impendere, certe alterum, existimabit; ei ego fatebor sufficere scribendis id genus consiliis, quod na-

2

sci

EPISTOLA.

sci sub calamo, & scribi etiam occupatissimis solet. *Qui* tamen, nimium me tam paucis philiris dedisse; ei ego jam hoc fatebor, non esse me ex promtulis istis, qui omnia citius, quam asparagi. *Mihi* datum non est, diligentiae simul & industriae laudem mereri. Haerere rei possum: saepe abire non possum. Hoc mihi praëjudicium animo sedet; nisi mihimet satisfecerim, nulli satisfacisse credo: quamquam cum mihi satisfacio, non idcirco tamen aliis satisfactum puto. Hoc quare interseram, scire te causam credo. *Ultimum* moræ fuit ab eo, cui describendum dederam. Tum quoque cum exemplari suo conferendum apographum fuit. Huic rei solidam

E P I S T O L A.

dam rursum noctem impendimus ego
 & Zacharias Ennichmannus, eru-
 ditus juvenis, & apud Tremonios
 suos medicinam nunc cum laude fa-
 ciens. Sic ultima manu imposita,
 ante lucem ad te proficiscor. In via
 ad fratrem diverto, & adesse me
 cum partu meo significo. At ille: se-
 ro. Nam D. Vander Straten illo die
 obviam mihi factus dixit, se tua mo-
 ra compulsus, cum ultra procrastina-
 re non liceret, aliquid seorsim con-
 cepisse & amisisse. Ego nihilominus
 ad te. Qui aperuit, Delphos te ivis-
 se; & incertum, an rediturus ante
 vesperam. Nobilem ergo & amicum
 mihi virum adeo: meam rem & sol-
 licitudinem expono. Ipso denique

E P I S T O L A.

autore & conciliatore apud Illustris-
 simum Dominum, D. FABIANUM,
 Comitem de Dhona, &c. obsignatum,
 ut eram jussus, consilium hoc depono,
 ejus gratiosa cura ad SERENISSIMAM
 PRINCIPEM, ablegandum. Quotiens
 illum mihi diem & colloquium repo-
 no, quo me Illustrissimus D. COMES
 dignatus fuit; fateor, honoratiorem
 alium & jucundior in vita non
 habuisse. Quotiens ego mihi, tantam
 affabilitatem in tam nobili, tantam
 humanitatem in tam illustri, tantam
 comitatem in tam sublimi, imo tot vir-
 tutes & quod mirari satis, quod æsti-
 mare, quod prædicare nequeo, tam
 diffusam eruditionem in viro princi-
 pe, quis credidisset, exspectasset, speras-
 set?

E P I S T O L A

set? Me vero etiam, quod accepi, singulare beneficium obstrinxit ad omnem gratitudinem atque venerationem. Quæ utinam præstare ex merito possim! Ceterum, quia ad exempli nitidi descriptionem aliena utendum manu fuit; evênit, ut & plura fuerint exscripta & pluribus visa. Itaque jam non erat in mea potestate, apud me premere. Extiterê deinde, qui edi in publicum debere autumabant, &, ut ederem, serio instabant; quia posse in exemplar esse Consultationibus juxta rationalem methodum conscribendis, judicabant. Non possum diffiteri, hoc quoque propositum habuisse. Si quid operæ pretium præstiti, non debeo etiam hunc laborem invidere, quibus
omnem

E P I S T O L A.

omnem meum consecravi. Hoc tempus non patitur, ut de Methodo consultationum ex merito differam. Quin jam vereor, ne quis illud mihi, ἔδου-
 λakis μείζον τῆς πηγῆς. Vale igitur, Vir
 excellentissime, & hoc ad te allo-
 quium animo favente excipe, quin ab
 animo te colente accipe, & in vitæ
 quod superest, habe mei tum candoris
 testimonium, tum obsequii vadimo-
 nium. Deus autem & Dominus no-
 ster senectam tibi viridem nestoreos
 annos conservet. Lugduni Batavo-
 rum, XXII. Martii CIO IOCLX.



DE
HEMICRANIA
MENSTRU A,
HISTORIA.

SERENISSIMA PRINCEPS,
² annum primum su-
pra trigesimum a-
gens, ³ tenero cor-
poris habitu, ⁴ venisque an-
guistis prædita, ⁵ staturæ me-
diocris, ⁶ temperamenti fere
frigidi & ficci, ⁷ melancholi-
cis

cis & ⁸ spleneticis passionibus
valde obnoxia, ⁹ mater duo-
rum masculorum viventium,
¹⁰ quorum primum altero con-
jugii (¹¹ in quo duodecim vi-
xit annos) anno, ¹² reliquos
duos octavo & undecimo,
¹³ sanos & incolumes & ad-
huc viventes peperit, ¹⁴ inter-
medio autem tempore sex ab-
ortibus afflicta.

¹⁵ Hæc singulis mensibus,
¹⁶ sæpius instante mensium flu-
xu, ¹⁷ interdum cessante, ¹⁸ cor-
ripitur singulari capitis do-
lore, ¹⁹ hemicrania, ²⁰ circa
tempora, ²¹ nunc in dextra
²² nunc in sinistra capitis par-
te,

te, ²³ hærente & ²⁴ lancinan-

te. ²⁵ Invadit hic dolor cum frigore aliquo & horrore, ²⁶ nauseaque & ventriculi dolore.

²⁷ Quæ symptomata quando ambulando vincere conatur, augentur, ²⁸ si lecto se committit, nonnihil minuuntur, ²⁹ excepta nausea, ³⁰ cum fluore copiosi ferofi humoris ex ore, ³¹ qui non prius cessat, ³² quam dolores remittunt, ³³ quod plerumque elapso spatio viginti & quatuor horarum accidit, ³⁴ posthac instar sanæ surgit ³⁵ & comedit more solito.

³⁶ In ipſo autem paroxyſmo dolores adeo ſunt intenſi, ³⁷ ut nec loqui, ³⁸ nec quicquam cibi aut potus aſſumere, ³⁹ nec corpus ullatenus movere poſſit.

⁴⁰ Affligitur etiam aliis ſubinde doloribus circa caput, ⁴¹ præſertim ex aëris inclementia: ⁴² deinde obtuſum quendam & refrigerantem in vertice quandoque ſentit dolorem; ⁴³ præterea aurium ⁴⁴ & dentium doloribus ſæpe quoque laboravit: ⁴⁵ ſed hos, quia ⁴⁶ aut rariores ſunt, aut ⁴⁷ non adeo affligunt, aut ⁴⁸ remediis facilius cedunt, jam non
vult

vult intellectos aut confideratos.

⁴⁹ Res non naturales quod attinet, aëre fruitur, quantum fieri potest, temperato. ⁵⁰ Nul-
las enim ejus injurias perfert;
⁵¹ excessus ejus in calore aut
frigore, ⁵² inprimis ventorum
inclementiam raro impune
sustinens.

⁵³ Cibos fere semper parce
jam assumit & ⁵⁴ cum delectu.

⁵⁵ In annis tamen adolescentiæ
fructuum nimio esu sæpius
ventriculum offendit. ⁵⁶ Parcif-
sime bibit cerevisiam ⁵⁷ claram
⁵⁸ hordeaceam ⁵⁹ modice lupu-
latam. ⁶⁰ A vino statim caput

dolere sentit, ⁶¹ideoque raro hoc bibit.

⁶²Somno indulget more solito ab undecima vespertina ad septimam vel sextam matutinam, ⁶³dormitque sic satis bene. ⁶⁴Meridiano autem somno numquam delectatur.

⁶⁵Motus & exercitia amat quidem, ⁶⁶accidit tamen, ut vita fere sit sedentaria; ⁶⁷præsertim hyeme.

⁶⁸Menses justo tempore fluunt, ⁶⁹sed parcius, ⁷⁰nec tamen decolores.

⁷¹Alvus quotidie facit officium.

⁷²Uri-

⁷² Urina libere fluit, ⁷³ quibusdam tamen, ⁷⁴ sed incertis intervallis, ⁷⁵ secundo vel tertio quandoque mense adeo ⁷⁶ copiosam reddit urinam uno die, ut decuplo potum assumptum excedat.

⁷⁷ Sudat rarissime, ⁷⁸ etiam post medicamenta ad hoc assumpta.

⁷⁹ Nares parvissimo stillant mucus, ⁸⁰ sanguine autem nunquam.

⁸¹ Atque hæc rerum naturalium, pariter præter & non naturalium enumeratio, pro informatione, ut arbitramur, sufficit.

⁸² Maxi-

⁸² Maximopere igitur rogan-
tur Illustres Medici, ut de
Doloris hujus natura, causis &
⁸³ remediis sententiam suam,
quam fieri potest ⁸⁴ accura-
tissime, scriptis exponant.





JOHANNIS ANTONIDÆ
VANDER LINDEN

DE

HEMICRANIA MENSTRUUA CONSILIUM.

§ I.




MAXIMI Medicorum nobilis
sive præceptio sive adhortatio,
quam & maximi, & merito, οἱ ᾤ-
ητρῶν χαριέστεροι καὶ ἐνδοξότεροι fece-
re semper: οὐκ ἀρχήμων δὲ, εἰς ἃ
πρὸς ἰητροὺς στενοχωρέων τῷ παρεόντι Πρί-
ντι νοσέοντι, κελύκη καὶ ἐπέρας εἰζάγην,

εἵνεκα ὅτι κοινολογίης ἰσορροπία πρὸς τὸ νοσέοντα, καὶ σπου-
ργὸς γενέσθαι εἰς ἀπορίαν βοηθήσει. Præc. VII. 81. Non est
præter decorum, ut Medicus, qui se aliquo in agro præsentis
rei difficultate sentit redactum ad angustias & inopiam
consilii (πάση ᾗ ἀπορίᾳ ἀπορίᾳ ἐνεσιν. omni quippe

B

copie



copiæ inopia inest: Præc. VII. 91.) jubeat etiam arceſſi alios, quo ex communi conſilio communique conſenſu decernant, quæ ſint ex re laborantis, ſimulque ſiant adju- tores ad promptum auxilium.

§ 2. Certum quippe, collata bonorum & in artis operibus egregie per continuam operam, per aſſiduam diligentiam, per attentam induſtriam, per multam denique experientiam exercitatorum conſilia ſæpe & prioribus Medicis ad ſuperandam, quæ premebat, difficultatem aperuiſſe viam, & Ægris pro- fuiſſe ad ſanitatis faciliorem recipationem.

§ 3. Non ii vero ſumus, qui vel prius præſumere de nobis volumus, vel poſterius promittere poſſu- mus. Neque enim ignoramus, omnem artis *Βρυχαι* eſſe in manu dumtaxat ILLIUS, qui ſolus opem, qui ſumma medendi Jura tenet. Sed neque dubitamus, quin hætenus ab Excellentiff^s DD^{is} Medicis, qui- bus omnis SERENISSIMÆ PRINCIPIS naturæ atque valetudinis *ιδιοσυγκρασία* à tot retro annis eſt per- ſpectiſſima, nihil non tentatum ſit, quod dictare artis ratio poteſt.

§ 4. Sed neque eſt, qui non experimentis diſcat, quam ſit ſæpe difficile morbum, cum altius inſedit, ex toto, nedum cito, tollere. Videmur autem ſimile quid in eo, qui SERENISSIMAM PRINCIPEM habet, animadvertere.

§ 5. Quare, uti non miramur, etiam aliorum ju- dicia auditum iri: ita, quod jubemur exponere, ne- que detrectamus ſubmittere eorum DD^{um} delibe- rationi atque *Προβίαις*, qui & præſunt SERENISSIMÆ PRIN-

PRINCIPIS valetudini, & interfunt omnibus ejus mutationibus. quarum vel minima interdum apta nata est negare consilio locum: saltem differre rem rite gerendi occasiones.

§ 6. Sedulo itaque serioque lectis atque omnibus, quanta potuimus diligentia, expensis, quæ de SERENISSIMÆ PRINCIPIS cū Corporis constitutione atque afflictione, tum & vitæ ratione satis sunt accurate ad nos perscripta; videmur & geminum malum & connexum ex illis perspicere: Ventriculi scilicet unum, atque alterum Sanguinis: & his duobus optima ratione acceptum referre omnem illam symptomatum συνδρομὴν, quæ tam moleste SERENISSIMAM PRINCIPEM afficiunt.

§ 7. Cujus sententiæ cum efficaciora aliunde, quam ex ipsis illis, promere argumenta non detur, omnem navandam nobis operam putamus, ut idem quoque Illustribus DD^{nis} Medicis liqueat, qui id nos ⁸² *maximopere rogant, ut de Doloris hujus natura, causis & remediis sententiam nostram, quam fieri potest, accuratissime exponamus.*

§ 8. Quorum desideriis votisque, ut satisfacere cupimus, ita utinam satisfaciamus! Voluntatem vires & studium si destituunt hac vice, equidem lubentes repetemus argumentum: præsertim, si quæ novis consiliis novæ rationes subministrabuntur. Semper enim hominibus ἀμέραι δὲ Φίλοιποι, σφώτεραι, *dies posteriores, sapientiores.*

§ 9. VENTRICULUM igitur, & affectum esse, & præ imbecillitate officium in coquendo non satis bene

facere, saltem probabile facit, quod SERENISSIMA PRINCEPS ⁵⁵ *in annis adolescentia fructuum nimio esu saepius ipsum offenderit: & hinc docta sit,* ⁵³ *Cibos fere semper parce jam assumere & cum delectu.* Neque enim in hominibus plerumque efficaciora esse *μαθήματα* solent, quam *μαθήματα*, quæ quis indulgendo sibi contraxit. Etenim hæc, si quibusdam velut vestigiis inhaerent, peccare siquidem impune sinunt, certe non sine sensu sui. Quo si etiam proposita nobis historia respicit, ut non sine ratione suspicamur, jam est extra dubium, ex isto juventutis errore aliquam Ventriculo *ἀνάσσειν* superesse.

§ 10. De qua etiam plenius testantur ²⁶ *nausea & ventriculi dolor instante mensum fluxu.* Quorum symptomatum communis causa est Cruditas pituitosa: eaque vel paulatim coacervata ex insufficienti alimentorum coctione, vel eo ipso tempore nata, quo sese Spiritus occupare cogitur in solvendo menstruum. Plurimis quippe intentus, & intentione distractus, minor est ad singula. Minor autem debito calor, & plus pituitæ ex cibis facit, & flatus copiosiores. His vero Ventriculum infantibus, dolorem fieri: sicut illa gravante, nauseam, notum est.

§ 11. In quos affectus SERENISSIMA PRINCEPS ea propter est proclivior, quod sit ⁶ *temperamenti frigidioris*, Calidique minus, quam pro ratione etiam sexus, habeat. Talem vero esse paret ex eo, quod sit ³ *tenero corporis habitu, venisque angustis prædita.* Sane quibus paucus sanguis est, multus esse calor non potest. Caloris enim & focus & fomes est sanguis.

§ 12. Tum

§ 12. Tum quod fit ⁷ *melancholicis affectionibus valde obnoxia*. Meticulosus enim per se Spiritus est suæ sibi tenuitatis & imbecillitatis conscius. Meticulosior etiam, quando animum ratio non sustinet. Metus autem mœstitiæ, si non genitrix, certe nutrix. Nam propterea metus mœstitiæ antepositur Aph. v. 23. Ubi utrumlibet Præceptor, si longo tempore perseverent, melancholicum dicit.

§ 13. Cui affine est, quod cum ⁶⁵ *motus & exercitia amet quidem, accadat tamen, ut vita fere sit sedentaria, præsertim hyeme*. Quid enim abstinere SERENISSIMAM PRINCIPEM ab eo, quod tantum potest Calori vegetando, appetitui excitando, corporique deonerando & firmando, quantum solvendo animum curis & reficiendo rerum, quæ inter ambulandum simul & confabulandum, præsertim cum jucundo comite, se offerunt, oblectamentis tot & tantis, quæ nullo non loco & omni tempore patent Principibus splendidisque & omnia sub imperio habentibus personis? Credibile, experiri in motu molestiam, atque ex facili delassari corpus, ex se grave atque onerosum Spiritui infirmo, & ob id tædiofiori.

§ 14. Cujus itidem argumentum est, quod ⁶³ *dormit sic satis bene*. Quamvis enim hoc bene fortassis est exinde, quia ⁶² *somno indulget more solito ab undecima vespertina ad septimam vel sextam matutinam*: certum tamen, non raro deberi & recte attribui fessis viribus, earumque refectioni gnaviter & secure intento spiritui, posteaquam semel obdormivit. Nam somnum non satis semper ex voto contingere melancholicis, & medi-

tabundis, & quos sollicitant curæ, compertum est, & in præsentī ostendere illud, ⁶³ sic satis, videtur.

§ 15. Præterea cui, si non imbecillitati Spiritus adscribemus, quod SERENISSIMA PRINCEPS ⁵⁰ nullas aëris injurias perfert? imo quod ⁵¹ excessus ejus in calore aut frigore, atque ⁵² inprimis ventorum inclementiam raro impune sustinet? Nam immodico ut frigore cutis obduratur, transpiratio cohibetur, spirituque compresso & ob id æstuosiori rigores accidunt febiles: sic immoderato calore calor, præsertim foemineus, effoeminatur, segnescitque cum anima animus, inprimis non admodum natura aut consilio erectus: unde & raro non videtur velut exsolutione defecturus præ languore, forte & tædio.

§ 16. ⁵² Ventorum inclementiam vero, quoniam illi & ingressu corpora humectant refrigerantque, & appulsu constipant cutim, & motu exagitant caloremque humoresque, vix est, ut valens quis, nedum corpore tenerior & spiritu imbecillior, citra afflictionem noxamve aliquam ferat.

§ 17. Quod aër etiam in venas reciproca halandi actione attractus subeat, id expressis Hippocrates docet l. de Flat. ix. 104: *μὲν πάντων τ' ἐσθιομένων καὶ πινόμενων εἰς τὸ πνεῦμα ἐς τὸ σῶμα, ἢ πλεον, ἢ εἰσεν.* Cum omnibus, quæ eduntur bibunturque, subit spiritus in corpus, multus aut paucus.

§ 18. Quod non tantum nobili phænomeno probat: sed & hinc ingentem morborum vim procedere ait t. vi. 78: *ἐκ ἄλλοθεν ποθεν εἰσὶς ἐστὶν γίνεσθαι πρὸς ἀρρώστιας μάλιστα ἢ ἐκ τῷ πνεύματι,* ὅταν τὸ πλεον, ἢ εἰσεν, καὶ

καὶ ἄλλοῦτερον, ἢ καὶ μεμνησιν ἄλλον νοσηροῖσι μιάσματιν ἐς τὸ σῶμα ἐσέλθῃ. *Haut aliunde verosimile est gigni infirmitates magis quam ex aëre, quum is aut copiosior, aut parrior, aut confertior, aut inquinatus morbidis inquinamentis subit in corpus.*

§ 19. Quod autem venti eam omnes, quam diximus, naturam habeant, & unde, idem declarat in II. de Diæt. II. 20.

§ 20. Quamvis autem satis evidenter hætenus ex allatis signis liqueat de spiritus paucitate calorisque debilitate, non parvum tamen istis momentum addit, quod ¹⁴ *sex abortibus afflicta* fuerit SERENISSIMA PRINCEPS. A quo etiam majus est argumentum, siquidem ἀνὰ πρῶτον ἄβортος abortus isti contigerint. Sed &, qui ex manifesta fiunt causâ, merito censentur justo puerperio, ut vitæ periculosiores, ita & sanitati in futurum graviores.

§ 21. Cujusmodi de facili conjicere est fuisse SERENISSIMÆ PRINCIPI: cum dicatur ex abortionibus *afflicta*, ac præter modum male habita; sive à doloribus & vigiliis, sive à nimium copiosis atque repentinis profusionibus, viriumque jactura, aut morbis difficilioribus, quique curari se, nisi operosiore cura, non permiserint.

§ 22. Quorum aliquid si evênit, equidem haut miramur, etiamnum superesse & sentiri reliquias afflictionum, & tot adversitatibus contractæ imbecillitatis. Atque ex his, nisi nos conjectura, imo historia fallit, satis superque constare de primo, de Ventriculi affectu potest.

§ 23. SAN-

§ 23. SANGUINIS quod attinet vitium, id quoque apparet geminum esse: nam & ferosior est, & flatulentus; & propter hæc seu virium infirmitati, seu caloris impotentiaë continendæ ac continuandæ aptior.

§ 24. Prioris vitii sese signa nobis exhibent potissimum, præter præteritum unum, præsentia quinque. Horum primum est: quod SERENISSIMA PRINCEPS ⁸ *splenicis passionibus valde obnoxia* sit. Ubi quidem *passionum* appellatione si recte audimus obstructiones Visceris & hinc oboriri solita symptomata, jam inter hæc vel primo loco habendam esse Seri in sanguine abundantis copiam, tam illustribus & tot documentis Natura monstrat, ut hoc probare velle, sit reapse nihil aliud, quam diffidere Illustrium Medicorum vel diligentiaë in observando, vel industriaë in considerando. Pene in proverbium abiit: *Melancholicos esse sputatores egregios*. At sputationis tam frequentis vix aliunde reddere rationem datur rationabiliorem, quam à redundantia feri.

§ 25. Cujus heic infallibile indicium præbet ³⁰ *fluor copiosi ferosi humoris ex ore*, & ³¹ *qui non prius cessat, quam dolores remittunt*; ceu quorum acerbitate fuit concitatus. Non ignoramus, ejusmodi fluoris scaturiginem passim in Ventriculo quæri. Sed quisquis & difficultates examinabit, quæ eam opinionem premunt; & non gravabitur ex *avro Via* Salivales dictos & nuper admodum à Cl. Wartono ostensos seculo ductus discere; simul & naturam atque copiam humoris ferosi, prætereaque multa, quæ quotidiana & suggerit

gerit observatio & notare potest, phænomena considerabit : is procul dubio & planius & certius facere censebit, qui è Sanguine illum arcessunt, creduntque Salivæ in os confluxum, & Urinæ per renes defluxum, esse persimiles Naturæ actiones, & segregationes ejus, quod suo functum officio jam desinit esse ὄχνημα νεφῆς; ut recte l. de Alim. f. dictum ab Hippocrate, illo viro fuit, cui magno suo merito, tamquam parenti omnis medicinæ, omnes assurgimus.

§ 26. Verum enim vero, quodnam hujus esse indubitatus argumentum eo potest, quod præsens nobis velut in manum tradit historia? ⁷² *Vrina*, ait, *libere fluit. Quibusdam tamen, sed incertis intervallis, secundo vel tertio quandoque mense adeo copiosam reddit urinam uno die, ut decuplo potum assumptum excedat.* Quæ copia quid est aliud, quam Seri præter modum luxuriantis exundantia? Quam paulatim coacervari, intervalla loquuntur, quibus eam depletum Natura contendit.

§ 27. Sed istius colluviei quæ causâ? Non enim circa potum, Seri præcipuam materiam, error. Nam ⁵⁶ *parcissime bibit* SERENISSIMA PRINCEPS : & quidem ⁵⁷ *cerevisiam claram*, eamque ⁵⁸ *hordeaceam*, ac ⁵⁹ *modice lupulata* : cuique citra controversiam debet, quod ita ⁷² *libere urinam* reddit.

§ 28. Sed neque *Vinum* causari idcirco licet, quod ⁶¹ *raro hoc bibit.* Esto autem, sit illud parum, quod bibit, vini, causâ Naturam ad se deonerandum invitans : tantæ tamen luxuriei præbere materiam nullatenus potest.

§ 29. Potest, & abunde, illud, quod itidem, & prudenter, notatum reperimus: nempe quod ⁷⁷ *sudat rarissime*. Nam si ita est, ut in Staticis sect. i. § 59. Sanctorius affirmat (Spatio unius noctis sexdecim uncias lotii plus minusve: quatuor cunctorum excrementorum per alvum: quadraginta & ultra per occultam perspirationem evacuari ut plurimum solere:) jam habet ratio, ubi admirationem ponat.

§ 30. Quia enim constrictiores pori sunt, præut transpirationis necessitati satisfaciant: idcirco vapores redensantur in habitum, & in fluorem denuo coacti sanguinem necessario dilutiorem reddunt. Oportet autem egregie densum esse habitum SERENISSIMÆ PRINCIPI: quoniam ⁷⁸ *etiam post medicamenta assumpta sudat rarissime*. Denique, quod ⁷⁹ *alvus quotidie facit officium*, copiosioris feri & indicium & beneficium est nobile.

§ 31. Quibus adstituere tandem illud ē *αἰαμνήσεως* signum ratio suadet, quod ⁴⁴ *dentium doloribus saepe quoque laboravit*. Quamvis enim SERENISSIMA PRINCEPS ⁴³ *hos, quia aut rariores sunt, aut non adeo affligunt, aut remediis facilius cedunt, jam non vult intellectos aut consideratos*: tamen non debuere à nobis negligi; sicut non sunt, & provide, neglecti ab Historiographo.

§ 32. Sane Medicum oportet *μὴ δὲν ἰατροποιεῖν*. Quippe *μὴ δὲν εἰκῆ*, non solum à Natura fieri, sed & in Natura solet. Quod autem temere non fit, recte, cum fit, in considerationem venit. Fatemur interim, jure illud, ne veniat, stipulari quod ad curationem.

tionem. Ergo etiam de priore Sanguinis paret vicio.

§ 33. Alterum dicebamus *A'epileu* esse. nam ita Dictator appellat in 11. Epid. v. Barbari nostri Ventositatem dicunt: signatissime. Hujus tot & tam expressa exstant signa in historia morbi nobis descripti, ut ne quidem dubitare sinant eum, quem monstratum imus Affectum, corpori subesse.

§ 34. Consideremus & heic singula: cum hac præfatione tamen; videri nobis HEMICRANIAM esse, super qua totius historiae præsentis cardo versetur, & ad quam, tamquam ad principalem scopum dirigi nostras tum cogitationes omnes, tum & consilii rationes SERENISSIMA PRINCEPS velit jubeat.

§ 35. Quod si vero quis fortassean sit, qui minus recte Dolorem hunc existimet appellatum Hemicraniam: quoniam non sinciput, sed è temporibus dumtaxat alterum invadat, & feriat, & hæreat ei, quod invasit: eum nos rogabimus redire ad textum, & considerare, an quid potuerit, vel ad Morbi ipsius descriptionem accuratius, vel ad Consultoris cujusvis instructionem copiosius dicere, quisquis narrationem concepit infelicitis casus, & hoc ipso miserabilioris, quod sua hæctenus contumacia eludat omnem vim ac potestatem artis.

§ 36. SERENISSIMA PRINCEPS, inquit, ¹⁵ *singulis mensibus corripitur singulari capitis dolore, hemicrania, circa tempora, nunc in dextra nunc in sinistra parte, hærente & lancinante.* Ubi recte quidem dicitur

tur ¹⁸ *singularis*, qui neque communis est, neque frequens, & suo in genere eximius.

§ 37. Cujusmodi cum etiam alius esse Capitis dolor queat, distinctionis gratia additum est, ¹⁹ *hemicrania*. Scilicet, ut intelligatur, quotquot mensibus dolorem invadere πᾶσι μηνὶς ἑκατέρωθεν. quod Latini eleganter Sinciput, quasi scissum dimidiumque caput, dicunt.

§ 38. Quod tamen ne quis ex æquo putaret dolere totum, ad ulteriorem certioreque ἀλλόγως, ipse adhuc propius designatur locus: ²⁰ *circa tempora*. Scilicet, ut intelligamus, sub paroxysmo dolere quidem Sinciput totum; sed acerbiorum magis dolorem esse *circa tempora*: ibi ²¹ *herere*, ibi velut clavum pariete figi: ibi ²² *lancinare*, ibi velut concerpi omnia videri. Sed hoc velut ἐκ παρόδῳ.

§ 39. Potioris momenti est, ut expendamus, Dolor iste capiti sit proprius, an adventitius: tum & quæ sit ipsi Causa tam acutum dolendi.

§ 40. Quod prius attinet, Hemicraniam hanc pro alio haberi, quam symptomatico affectu posse, haut opinamur. Nec illud velle ipse D. Historiographus videtur. Qua in conjectura si fallimur tamen, jam docendi sumus, quare, ²³ *invadit hic dolor*, non morbus, dicat: quare Symptomatum mox appellatione comprehendat; aut, si Morbum putet, à suis consuetudinibus non distinguat.

§ 41. Sed prius omnino, ut longe verius, credimus; & historiam (ubi ait: ²⁴ *quæ symptomata, quando ambulando vincere conatur, augentur*) non tam, nedum

dum solum, respicere ad horrorem & nauseam doloremque ventriculi, hoc est, ad ea, quæ cum principali obtingunt, symptomata; quam ad ipsum, & maxime quidem, principale, sive ad eum Hemicranii dolorem, cum quo cætera & accedunt & recedunt.

§ 42. At quoniam permagni ad curationem inter est, hoc ipsum, quod in dubium vocamus, extra dubitationem esse: si forte non sit, per nos stare non debet, quo minus deinde sit.

§ 43. Dolorem itaque omnem capitis, quo SERENISSIMA PRINCEPS modo corripitur, modo afficitur, symptomaticum esse ostendunt Invasionis tempus, occasio, locus, modus, varii.

§ 44. Tempus primum: principalis enim dolor, quamvis ¹⁵ *singulis mensibus*, & quidem ¹⁶ *sæpius instante mensium fluxu*; tamen ¹⁷ *interdum cessante corripit*. Ubi illa quasi periodica exacerbatio non potest non delitescentem alicubi materiam morificam, atque adeo stabilem in corpore, causam doloris, toties repetentis, arguere.

§ 45. Hanc tamen in ipso capite focum obtinere, inconstantia periodi negat. Nam si in capite stabulatur materia, & hæc Naturæ quasi critico menstruum motu moveri dicenda est, jam reddi ratio debet, quare non semper instante menstruatione, sed aliquando desinente potius commoveatur, doloremque ercet.

§ 46. Quin, quod ⁴⁰ *afficitur etiam aliis subinde doloribus circa caput*; id omnino ostendit, dolendi materiam capiti communicari. Cui non idem videretur,

exponat nobis, quare tam facile hi remediis cedant, neque ullam sui sensum eo faciant tempore, quod est inter paroxysmos, cum principalis tum intercurrentis doloris.

§ 47. Occasio deinde utriusvis doloris idem omnino dicit. Principalis enim dolor, sicuti recrudescit semper, quoties Menstruum jamjam vel solvendum vel solutum est: ita, & se effectum esse profitetur ejus agitationis, quam facto opus est Naturæ ad hoc opus.

§ 48. Si enim non est, quare non ex quavis alia redit? Imo quare nullus existit intermediis temporibus dolor, præter qui apiscitur novam occasionem, cum aliis è rebus, tum ^{1^a} *præsertim ex æris inclementia?*

§ 49. Locus præterea ita est varius, ut impossibile sit, non esse capiti symptomaticum tam primum dolorem, quam secundum. Primus enim ^{2^o} *circa tempora* sese ostendit maxime, sed ^{2^a} *nunc in dextra, nunc in sinistra capitis parte.* In neutra ergo fixam vel humor sedem, vel quæ alia materia habet.

§ 50. Secundus vero, five ex æris præsertim inclementia natus dolor, ^{3^o} *subinde circa caput* (totum, an anticum? nam & hoc & illud venire appellatione Capitis simpliciter consuevit.) ^{4^a} *quandoque in vertice sentitur.* Hoc si non probat vagam doloris materiam; equidem, quid probet, fatemur nescire.

§ 51. Modus denique idem evincit. Est enim utrique dolori suus; si non in invadendo, certe in affligendo: quamquam & in illo haut dubie. De quo tamen

tamen pluribus arbitrari, neque ex historia licet, neque ex conjectura libet. Erubescimus enim, ut Jurisconsulti sine lege, sic Medici sine ratione loqui. At ratio omnis nostra nullo alio niti, præterquam *τῆς Φαινομένης*, sive narratione symptomatum debet. Ex his autem luculente paret, invadendi suum cuique modum dolori esse.

§ 52. Quod ad principalem enim: ²⁵ *Invadit hic dolor cum frigore aliquo & horrore, nauseaque & ventriculi dolore.* Quorum nihil de altero testatum reperi-
mus. Priorem quoque desubito invadere, recte videmur ex eo verbo augurare, quo invadendi in præsens ratio designatur. Id est, ¹⁸ *corripitur.*

§ 53. Quamquam enim *invadere* (quod & ipsum in emphasi sua significat impetu vel magno aggredi vel celeri irruere) promiscue vulgo dicatur de quovis morbi accessu: tamen *corripere* nemo prudens dixerit de morbo, qui neque magnus est, neque repentinus.

§ 54. Historiæ certe præsentis scriptor circumspice de accessoriis doloribus: ⁴⁰ *Afficitur etiam aliis subinde.* manifeste innuens, nihil hos dolores habere præter eum, quem plerique hominum in se solent experiri, morem accedendi & afficiendi.

§ 55. Principalis deinde, posteaquam invasit, *haeret* ea parte, seu dextra seu sinistra, quam hac vice occupavit. *Herere* vero heic significat, non solum fixam doloris sedem, sed & afflictionis vehementiam, & tractum velut *ὁμοτῆτος* affligendi continuatum.

§ 56. Ve-

§ 56. Vehementia quanta sit, discere argumento est, quo majus aliud dicere non est. ³⁶ *In ipso autem paroxysmo dolores adeo sunt intensi, ut nec loqui, nec quicquam cibi aut potus assumere, nec corpus ullatenus movere possit.*

§ 57. Quæ sicuti acerbitatem cruciatus, quo SERENISSIMA PRINCEPS tantum non id temporis excarnificatur, fatis *γεραιμῶς*, quin *ὀφθαλμοφανῶς* describunt: ita ejus in perseverando & urgendo pertinaciam prædunt, quæ salivationem, dolorum vi expressam, ajunt non prius cessare, ³² *quam dolores remittunt. quod plerumque elapso spatio quatuor & viginti horarum accidit.* Longum revera tempus hoc, si æstimationem facimus, hinc ex teneritudine perferentis, hinc ex furore affligentis.

§ 58. Quæ omnia quamvis adducere in suspicionem posse non diffitemur, in Temporum utroque aliquid residere materiæ malignioris, quod agitante menstruatione denuo velut è latibulo exurgat, subitoque invalescens tam diro torqueat cruciatu: tollitur tamen hæc, quanta etiam videri possit, species per ea, quæ eventum nobis & paroxysmi finem aperiant. ³⁴ *Posthac, inquit, instar sana surgit & comedit more solito.*

§ 59. Quomodo enim potest *instar sana* aut dici aut videri, aut se suis in rebus gerere, si quæ supersunt reliquæ doloris? aut quomodo hæ non supersunt, si quid reliquum est peccantis materiæ. quam necessarium est per ærem esse. Non sit, quæ dolorem parit ²⁴ *lancinantem* & locum patientem multis simul velut lanceolis incidentem?

§ 60. Ta-

§ 60. Talis vero si sit humor, quo, cessante dolore, tam subito evadit? Non enim foras. neque enim ullius aut sudoris, aut madoris, aliufve excreationis fit mentio. Nam de menstruatione cogitare non licet: saltem non tunc, quando eam dolor consequitur absolutam. Quod si aliò deponitur materia, vincentis Naturæ beneficio translata, quei sit, quod indicium sui nullum exhibeat ea in parte, in quam decubuit?

§ 61. Multo vero magis symptomaticus est, quem SERENISSIMA PRINCEPS ⁴² *obtusum & refrigerantem in vertice quandoque sentit dolorem.* Nobis enim illud *quandoque*, tam instabilitatem in afficiendo, quam incertitudinem in accedendo significat.

§ 62. Sed probasse satis & abunde, quod intendebamus, *ὁποσαύτως* videmur: quamquam fortasse hactenus contra umbram pugnavimus. Equidem, si dissentit nemo. Tempus est, ut idem quoque *κατασαύτως* & argumentis demonstremus irrefragabilibus.

§ 63. Quo in negotio ita versari animus est, ut eadem opera ipsam & veram dolorisque causam, causæque fontem ac scaturiginem detegamus & exponamus, si pote, ad claram lucem: nam hoc est, quod requiritur potissimum, & à nobis, & ad curationem prosperam.

§ 64. Huic demonstrationi hoc fundamentum suppono, quod apud omnes, præsertim apud ipsas mulieres in confesso est per experientiam: scilicet, Vix ulli menstruationem evenire sine aliqua conturbatione

batione aut molestia, minore majoreve. Nam etiam, quæ sanæ sunt, & bene valent, pati se suum morbum profitentur, quando nisi secundum consuetudinem sexus non patiuntur.

§ 65. Recte: siquidem Menstruatio est depletio quasi plethoræ. Recte etiam, si lassitudo spontanea loquitur morbum, ut est Aph. II. 5. Numquam enim lassitudo abest menstruandæ: certe non consuetæ solvere hoc tributum: certe non fœcundæ & habenti vias ad uterum referatiores per partiones & purgationes puerperii, præsertim frequentiores & largiores.

§ 66. Replentem vero gravantemque Natura sanguinem ut depleat, fervefacit & rarefacit. Sanguis autem caloris vaporisque plenior, magis æstuat. Æstulare vero, qui deplendus est menstruatione, dudum nos monuit Hippocrates l. de Nat. pu. t. II. 36. *Ταχίστην τὸ αἷμα ἐν τῷ σώματι καὶ πλεῖστα ἐνάσσει, καὶ αἰσάνη.* Latine: *Commovetur sanguis in corpore quotquot mensibus necessario.*

§ 67. Recte, *commovetur*. Quippe sanguinem moveri continuo & circumduci naturali periodo, ipsi fuit perspectissimum. Ut &, non posse sanguinem ordinario, nedum ordinato motu efferri foras. Ideo dixit, *commovetur*. Scilicet, ut ostenderet, ad menstruationem opus agitatione & vi majore esse.

§ 68. Idcirco etiam in præcedentibus, dubitatione proposita, quare Uterum gerens, licet menses non prodeant, tamen male non habeat, rationem reddit hanc: quod Sanguis tunc, non ut in menstruatione concitatus & confertim, sed sensim paulatimque defertur ad vulvam.

§ 69. Sed

§ 69. Sed quid opus est testibus, ubi ad sunt rerum testimonia. Quotidianis enim comperimur, æstum illum exundantis sanguinis sese præstare, sicut multorum in validis incommodorum, in infirmis morborum; sic quoque frequentiorum graviorumque in morbidis sæpe paroxysmorum causam prorsus evidentem.

§ 70. Exemplo nobis, ne longius abeamus, SERENISSIMA PRINCEPS est. Cui suum dolorem menstruum à menstruo esse, atque ea agitatione, qua hoc Natura laborat solvere, tamquam ab occasione vel interiore & manifesta causa, credimus non solum affirmari, sed & *ὁμοθυμαδὸν* ab omnibus, qui super hoc difficili casu rogati sunt sententiam dicere.

§ 71. Certe id ostendit Tempus, quo Temporis dolor solet & reverti & exacerbari. Tempus est: sub initium fluxus, aut finem. ¹⁶ *Sæpius instante*: quoniam commotio major, & flatus impetuosior. ¹⁷ *Interdum cessante*: quoniam spiritus effoetior, & flatus copiosior.

§ 72. Qui enim spiritus alacriore vi negotium aggređi & expedire initio videbatur, is ipso in opere defetiscens, &, quos plures excitavit flatus, digerere nequiens, tantum non suæ patitur festinantiae poenam, & incurrit in malum, quod meliore non videtur posse ratione fugere aut fugare.

§ 73. Quod autem sub fervore menstruo sanguis, ut naturaliter vapore roscido, ita in præsentī vaporeoso flatu reddatur turgidus, eoque multo & crudo, promptum est causam indicare copiam serosi humo-

ris. quem quidem sui luculentum vidimus indicium facere eo flumine, quo ex ore profluit plerumque integrum diem spatii.

§ 74. Quod enim non prius ab ore fluor cessat, quam in tempore dolor remittit, id arguit, fluoris easdem esse, quæ doloris, causas. Causæ sunt repletio & calefactio. Repletio: non sanguinis, sed ejus humoris, quem ἀντίπαλον & ἀμείλιτον, *adversarium sanguinis* appellat Ipse in II. de Diat. XIII. 232. & περὶ πολεμώτερον, *igni inimicissimum*, in IV. de Morb. XXI. Non sanguinis: neque enim ea ejus est in corpore copia, quæ gravare queat.

§ 75. Non esse vero, duos nos docent: assumpta atque excreta. De assumptis historia dicit, quæ negent potius, quam concedant plethoram fieri. Dicit enim: ⁵³ *Cibos fere semper parce jam assumit & cum delectu.* Deinde: ⁵⁶ *Parcissime bibit cerevisiam claram hordeaceam modice lupulatam.* Denique: ⁶¹ *Vinum raro bibit.*

§ 76. Quod ad prius, cum Sanguinis multi & boni materia, proxima quidem, Chilus; prima vero, Cibus multus & bonus sit: SERENISSIMA autem PRINCEPS, neque Cibus sumat multum, neque Chilum faciat bonum, quemadmodum Sanguis esse multus & bonus queat? De Cibo liquet ex relatione. De Chilo licuit supra. ubi videlicet argumentis non levibus demonstrabamus superesse Ventriculo quamdam ἀτονίαν, tum ex delicto juventæ, tum ob præsentem Calidi infirmitatem. Neque dubitamus, etiam deteriorem fore Chilum, nisi ⁵⁴ *cum delectu* sumeret

meret probatos & commendatos ab Excellentissimis DD^{nis} Archiatis; & hos ipsos ⁵³ *parce*, initaque ratione ignis, qui coquere debet.

§ 77. Caterum illud, quod additur ⁵³ *semper*, suspicari nos adigit, non tantum eam, que SERENISSIMA PRINCEPS utitur, diætam esse parcam, sed & tenuem, & valde atque exquisitè. Quæ nostra suspicio nos si non fallit, forte etiam hæc non fallit: per ⁵³ *cibos cum delectu sumtos* intelligi eosdem Nobilissimos DD^{os} velle ejusmodi, qui sint medicinales, five ex præscripto & ad medendum apparati.

§ 78. *Cerevisia* deinde, quam bibit, ejuscemodi est, ut facere non admodum ad concoctionem, ad secessionem queat multum. ⁵⁶ *Bibit* enim hordeaceam, lupulatam, clarant.

§ 79. De Hordeo Hippocrates in I. I. de Diæt. vi. 49: κριθῶν, φύσι μὲν ψυχρὸν καὶ ξηρόν. ἐν ᾗ καὶ καθαρὸν π, ἀπὸ δ' ὅχυλός. δ' ἀχύρος. πικρὸν καὶ, ὡς μὲν γέλης κριθῶς ἀπὸ τῆς ἐψῆσαι, καθαρὸς ὁ ὅχυλός ἐσθ' ὡς. εἰ δ' ἐπισημῶνται, ψύξι μᾶλλον, καὶ συστήσεται. id est: *Hordeum natura frigidum est & siccum. Inest & purgativum quid, a succo palearum. Indicium hujus: siquidem hordeum coxeris non degluptum, succus purgabit valide. Si vero degluptum, refrigerabit magis, & sistet.*

§ 80. Refrigerandi illius, si est, corrigendo vitio incocti faciunt flores Lupi falictarii. Quibus recte in commentariis ad Diosc. iv. 140. Matthiolum adscribere potestatem comperimus calefaciendi, aperienti, extenuandi, abstergendi, & expurgandi. Quæ vis lupuli major in ⁵⁷ *clara* quidem, sed recentiore bira.

§ 81. Qualis heic si, ut credimus, intelligenda venit: jam mitti in disquisitionem debet, annon idem de tenui & aquosiore Bira sit verum, quod de id genus Vinis testatur Hippocrates in eodem 11. de Diat. XI 11. 232. jamante laudato. οἱ ἰσχυροὶ γλυκύνες, inquit, ὑπερβαίνειν μάλλον, καὶ ἀσχωρεῖσθαι, καὶ ὑπερβαίνειν τὸ σῶμα, καὶ τὸ αἷμα ἀδυνεῖς ποιῶσιν, αὐξάντες ἢ τὸ αἷμα παλιν ἔσθαι ἐν τῷ σώματι. Quæ sic videntur elegantius latine reddi: *Tenuia dulcia & per urinas promittunt & per alvum abeunt, & humectant corpus, & sanguinem infirmum reddunt, dum augent adversarium sanguinis in corpore.*

§ 82. Zuingerus, hoc de Humore aquoso recte interpretatus, mox dubitabundus rogat, An potius Bilem intelligit? Nequaquam. Nam eo, quem cum isto conferendum monebam, loco, *ικμάδα υδρωπεδιή* vocat. Jam si similis Cerevisiæ non inveteratæ facultas, quæ tenuis dulcisque Vini est, quavis exceptione majus testimonium habemus, potum sanguini gignendo demere, sero addere.

§ 83. De Vino forte jam diximus, unde quis simile argumentum queat desumere. Nam propius de eo nobis arbitrari non licet: quoniam expressim non dicitur, quale SERENISSIMA PRINCEPS sumat. Quod ideo indictum conjicimus, quoniam tam parum sumit. Parum vero, ut prodest, ita obest parum.

§ 84. Excreta quod attinet, etiam de his referuntur, unde Sanguinis si penuriam arguere non licet, certe nec ullam luxuriam. Sunt autem, quæ huc pertinent,

tinent, duo. Prius est: ^{6^o} *Menses justo tempore fluunt, sed parcius, nec tamen decolors.* Posterius est: ^{7^o} *Nares parcellissimo stillant muco, sanguine autem nunquam.*

§ 85. De priore, hoc primum dicam: Ex eo plane constare, extra omnem culpam, imo suspicionem culpæ id Naturæ membrum esse, quod toties, & ex facili non satis vel expertis vel attentis, venire in accusationem solet malorum, ex quibus mulieres magis, quam viri, ægrotant; non tam ratione sexus, quam propter vitæ, quod degunt, genus delicatius molliusque. Quomodo autem non fit, quod menstruum solvit, & justo tempore? Hippocrates Coac.

522: τὴ γυναικὶα μὴ διαστῆναι, καὶ ἱσχυρὸν. *Muliebria non resistere, utile.* Omnino: seu αἱμὴν significet, five αἱμῶνιν, ut videtur: seu menses, & tunc potius, ita

§ 86. Si ut causam capimus, meminisse oportet ejus, quod est i. de Diat. xxxi, 303: τὴ ὁ ἡμέρα καθαρὰ

σιν ἔσθ' ἐκ τοῦ σώματος ἐκαστὸν μῆνός ποιεῖται. *Femine calidum è corpore purgant quovis mense.* Quin ista calo-

ris purgatio, simul est doloris levatio. Ita enim est, ut scriptum est in i. Muliebr. 11: τὸ σῶμα ὑπερθερμαίνεται

καὶ ὑπερθερμαίνεται καὶ πολλὴν ὥρην τῇ γυναικὶ καθ' ἑκάστον μῆνα. *Corpus mulieri indolet & incalcescit à plerhora quo-*

vis mense. Absque illo beneficio si esset, non dubitamus etiam SERENISSIMÆ PRINCIPIS ardentiores &

diriores futuros cruciatus. Ratio repeti ex his, quæ supra proposuimus, facili negotio potest.

§ 87. Si de signo dictum est, Sanitatis est. Non simpliciter, sed quæ pertinet ad mulierum mulie-

britatem. Nam quæ hac parte habet bene, sæpe alia habetur pessime. Itaque de ista accipimus, quod iterum Præceptor I. de Septim. VII. 32: *τὰ κατὰ μῆνα γυναιξὶ ταῖς ὑγιαίνουσας φαινομένη καὶ ἕκαστον τὸ μὲν αὖν*
Menstrua mulieribus sanis apparent singulis mensium,

§ 88. Sed quæ sana audire mulier potest, cui ⁶⁹ *parcius fluunt*? Nam jam dicemus, hoc aliquibus secundum naturam esse: ut revera est, si absolute sumas, si pro eo, quod minus est Naturæ modico, siue cotylis duabus Atticis præterpropter. nam ita Noster definit I. Muliebr. xv. Fatebimur potius, SERENISSIMÆ PRINCIPI prodire parcius solito. Neque fatebimur propterea tamen, ex hac parte agrotare, & proficisci tam dira patiendi causam.

§ 89. Causæ, quare nunc intra consuetudinem eant, potiores sunt, & evidentes: Victus parcius, & ejus, quod potiorē mensium partem facit, conversio ad os. Non enim purus putus Sanguis est, quem quovis mensium Natura deponit: nec esse debet. Non esse, sed longe maximam partem Serum, clare colligere ex iis est, quæ leguntur I. de Nat. pueri XII. 86: *χωρεῖ δὲ αἷμα, οὗον δὲ τοῦ ἱερῆς, καὶ ὑγιαίνῃ ἡ γυνὴ: exit sanguis, velut à victima, si sana mulier est.* Non debere esse, sane patet ex eo, quod in II. Prorrh. t. xxxiii. diferte damnet, qui fiunt ἀνθρώποις, siue sero impermixtos menses.

§ 90. Quos oportere Victui proportionē respondere, ita consentaneum est rationi, ut hoc etiam præcepto Præceptor indixerit in I. Muliebr. XXI. II. Hortatur enim eum, qui, *καὶ τοῦ κατὰ μῆνα καθαρίσθαι δόξῃ δεινῇ, καὶ τοῦ κατὰ μῆνα καθαρίσθαι δόξῃ δεινῇ,* multa purgationis egeat femina, an secus,

æstimare volet, ἀποκρίσας ἐς τὴν χροίαν, καὶ τὴν ἡλικίαν, καὶ ῥώμην, καὶ ὥρην, καὶ οἴη Διαιτη χρέοντα· *attendere ad colorem, & ætatem, & virium potestatem, & tempestatem, & quali victu utantur.* Erit itaque præsentium hoc judicare.

§ 91. Quos heic nobiscum sentire, idcirco nobis persuademus, quia emphatica sunt, & tantum non sententiæ suæ χαρκτηριστικὰ illa : 7^o *nec tamen decolores.* Nempe hoc, cum ipsorum venia, sic interpretamur : Paucitatem mensium in malis ducendam in præsentī non esse, quia decolores non sunt. Quasi enim Excellentissimi Medici inter se & disceptassent & constituissent, ita accipimus. Verum est, SERENISSIMÆ PRINCIPI ⁶⁸ *mensēs iusto tempore fluunt; sed parcius.* At hoc, quia intra Naturæ modum est, bonum non est.

§ 92. Recte quidem : sed protinus non est malum, quod non est bonum. Potest quid non esse φύσις, quod tamen non sit ὡς ἀφ' φύσιν. Hippocrates diserte l. de Alim. ix. 19 : Διαιτηὶς ἀθλητικὴ, ἢ φύσις. Quæ tamen dispositio athletica, etsi naturā non sit, tamen præter naturam non est. Facit quippe magnum ad robur : cujus caussa solebat conciliari, & majore dubites vivendi legum rigore, an fortitudine in subeundo præscriptum tam durum, aut tolerantia in perficiendo negotium propositi. Ut non dicam, Δεξιὰν dici Aph. i. 3.

§ 93. Mensium ista consueto minor quantitas, certe non est naturā : sed neque præter naturam. Est enim ab eo Materiæ defectu, quem partim Abstinē-

tia id genus facit, ubi æger non assumit, nisi quod oportet; partim Seri, quod se præbere comitem menstruo & ὄχνημα debebat, ad os confluxio, propter Naturæ, gravio rem morbum judicantis, crisin.

§ 94. Ex utra causa æstimes, Symptoma in excreto est. Verum, si ex priore, nisi ὑποπνυχία non est; sive Naturæ ob errorem, ut loquimur, externum frustratio. Si ex posteriore, hætenus se Morbo debet, quatenus ejus vi fit, quod fit. Hoc ipsum tamen, quod fit, quia Naturæ, sibi suisque quasi consulentis, opus est, non recte morbo, nisi ut occasione & impellenti causæ, adscribitur.

§ 95. Quin hoc audemus, re introspecta, amplius: quod in malis videtur, in bonis esse. Quid enim, non pro infallibili Naturæ hætenus valentis haberi indicio debet, quod ejus summum beneficium est? Quid expectari à Natura, tantopere afflicta, majus potest, quam ut, non intermisso, quod dandum est consuetudini, simul hostem, in ipsam ἀνέροπολιν invadentem, & tanto furore instantem, depellat?

§ 96. Profecto magnum est, duobus magnis simul negotiis se præstare. Salvationem ad evadendum è periculo moliri, & simul Menstruationem peragere, ne quid omisisse de solemnibus videatur, tale est, quod merito satis non quiremus admirari, nisi nos magnus ille Naturæ consultus docuisset in VI. Epid. v. 1: Naturam esse νέσων ἰητρεὺν, morborum medicum: & ut sit, αὐτὴ ἐλπίσκειν αὐτὴν ἐαυτῇ πρὸς ἐφόδους. adinvenire ipsam sibi ipsi occasiones rei pro se prospere gerendæ.

§ 97. Me-

§ 97. Medetur quidem illa morbis, *ὅτι ἐν διασώζει*, non per *rationationem* : ita tamen, ut se ostendat, quamvis sit *ἀπαιδευτὸς καὶ ἑμαρτυροῦ*, ad hoc neque instituta neque erudita, VI. Epid. v. 2 ; tamen *τὰ δέοντα ποιεῖν*, debita facere, Aph. I. I, nutu atque directu ILLIUS, in cuius manu sunt sortes rerum humanarum. *ἔστι δὲ τὸ θεῖον ἐν ἡγεμονίᾳ τὸ διασώζον*. Non est, certe non est, otiosum in medicina Dei numen ; ut pie agnoscit, & magna cum veneratione, Hippocrates I. de Eleg. VI. 99.

§ 98. Naturam vero in præsenti facere, quod faciendum est, menstrui caloris bonitas non finit dubitare. Plane enim oportebat menses esse decolores, si vel adustione vitiiati, vel admixtione vitiosi essent. Cujus anquirendi modum exponit omnis boni nobis auctor in I. Muliebr. t. XXI I.

§ 99. Ad exculpandum porro menstrui parcior fluxum apud hos, qui forte dubitant, annon conferat saltem ad Temporis dolorem, egregie facit, quod posteriore loco notatum offendimus? *Ἡ Nares parcissimo stillant muco, sanguine numquam*. Ubi, quod potissimum observes, ultimum est. Hoc autem duo nobis, imo tria, iudubitato significat.

§ 100. Significat primo: quantumvis parcius fluant menses, effluere tamen, quod superest demenso, atque ita adimi ansam suspicioni alicujus plethoræ. Omnino enim, si omnis, qui omni mense redundat, sanguis non depletur, necesse est, vel alia depleri via, vel, si viam non repererit, plethoram facere, aliosque morbos. Istuc respicit, quod est Aph. v. 33. Con-

tra huc, quod verbo dicitur Aph. v. 57. sed fusius docetur I. Muliebr. t. III.

§ 101. Significat secundo: ne quidem sub paroxysmo Hemicraniæ, sanguinem in caput præter modum efferri. Quisquis enim hoc fieri opinatur, & hanc esse tanti doloris causam, exponat nobis, quare Natura crisin moliens, ptyelismum potius, quam hæmorrhagiam faciat: neque vel stilla sanguinis veram morbike materiam partemve repletam notet. Imo doceat nos, quomodo morbum crisis solvat, quæ ipsam morbi materiam non solvit.^{3º} Saliva enim est, per quam morbus judicatur, non sanguis.

§ 102. Significat tertio: Dolorem istum non esse ab aliquo humore sanguineo: imo ne ab humore quidem. Fieret enim aliquod indicium vel hujus vel illius. Nam caput laboranti & vehementer dolenti solvere morbum solet pus, vel aqua, vel sanguis effluens per nares, aut os, aut aures: Aph. VI. 10.

§ 103. Responset heic aliquis: annon SERENISSIMÆ PRINCIPI ^{3º} *ex ore aquæ & copiose fluunt?* Fluunt: sed salivæ is fluxus est. Quem immediate à Cerebro, aut hoc illo Tempore scaturire, equis potis est demonstrare? Imo quis audebit, qui à Cerebro nisi ad palatum per glandulam pituitariam non dari viam cogitabit? Saltem hætenus non est nobis offensa alia. Sicuti nec ulla ad os à Tempore. nisi quis etiam huic putet servire, quæ illuc ab aure pertinet. Sed hoc augere difficultatē est. Quomodo enim in illam humor pervenit?

§ 104. Volenti vero, quod aquæ possint ab eo, quod

quod est inter meninges, spatio per os cribrosum ad nares, & hinc ad os depluere, contradicit hoc, quod *nares parciſſimo ſtillant muco*. Hoc, ut non dicam haberi ex communi conſenſu ſignum calidi cerebri, nobis indicio eſt, nullo umquam tempore caput SERENISSIMÆ PRINCĪPI impleri humore; ſed omnem, quem patitur, pati dolorem à flatibus. Ubi caput humore impletur, ſtupet.

§ 105. Id nos Hippocrates in II. de Morb. t. XI I. Qui quia ad rem facit, non pigror ex eo apponere, quod eo facit. ὅταν πλήρης γένηται ἡ κεφαλὴ, καὶ τύχη ὑπὸ τινος τῶν διὰ θερμανθῆναι, νάρκη ἔσται τῇ κεφαλῇ. καὶ ἢν μὴ ῥαγῇ καὶ πρὸς ῥίνας, ἢ καὶ τὰ ὠτὰ ὕδωρ καὶ βλαῖναι, ἀπὸ ἀπείρου τῶν νεύων. Quum impletur caput, atque ex hoc vel illo contigerit incalere, torpor occupat caput. Quod ſi proruat per nares vel aures aqua aut blenna, liberatur à morbo.

§ 106. Quando igitur nulla ſubeſt corpori Plethora, fruſtra heic Antecedentem eorum cauſam quærimus, quorum cauſa tantopere laboramus. Ubi ergo? In copia humoris ſeroſi. De qua ne dubitetur, jamante laboravimus.

§ 107. Accedit nunc hoc: quod nihil iſta Salivatio, niſi ſeroſi judicatio ſit. Hippocrates diſerte III. de Diæt. VIII. 154. σιέλα, πληζμονῆς ἐστὶ κρείς. Saliva, plenitudinis eſt criſis. Hanc verò ad morbi remiſſionem facere, itidem ſive dicit Coacar. 230. ſive potius repetit ex lib. de Dieb. jud. II. 19. Γλώσσης τὸ ὡσεὶ δίκρυον, ὡς περ σιᾶλω λελυθὲν κατὰ λείφεα, σημεῖον αἰεσεως. Lingua quod juxta medium eſt, velut ſaliva alba inungi, ſignum remiſſionis eſt.

§ 108. Sane, si sola linguæ, & solius quod juxta medium est, humectatio signum remittentis morbi est: quomodo non, si toto flumine salivam, & continuato die ac nocte, fundat os, Naturæ hunc esse laborem putabimus ad eam, ex qua laborat, plenitudinem tollendam? Esse vero, eventus ostendit. Simul enim conquiescunt fluorque dolorque.

§ 109. Causarum, dolori & fluori communium, alteram diximus Calefactionem esse. Esse quidem, duo etiam probant: accessus & modus se sub accessu habendi. De isto D. Historiographus: ²⁵ *Invadit hic dolor cum frigore aliquo & horrore, nauseaque & Ventriculi dolore: ut &, ³⁰ cum fluore copiosi serosi humoris ex ore.* De illo autem: ²⁷ *Quæ symptomata quando ambulanda vincere conatur, augentur: si lecto se committit, nonnihil minuuntur, excepta nausea.* Quibus denique subjungit: ³⁶ *In ipso autem paroxysmo dolores adeo sunt intensi, ut nec loqui, nec quidquam cibi aut potus assumere, nec corpus ullatenus movere possit.*

§ 110. De priore dicimus: Invadendi istum modum nobis videri plane febrilem. At vero, cum nulla in textu Caloris, horrore succedentis, fit mentio; conjecturam istam in medio relinquemus tantisper, donec id vel observaverint Illustres DDⁿⁱ Archiatri, vel nobis, si opus, indicaverint. Interea, ut ne noster hic ~~ex~~ *Quod* fortassean præter rationem putetur, quæ & quantâ similitudine veri nitatur, non debet esse grave nobis exponere: præsertim cum esse id in cynosuram queat rectæ curationi.

§ 111. Principio, ²⁵ *Dolor hic, menstruus & menstrualis,*

stualis, dicitur hoc aut illud Temporum invadere cum frigore aliquo & horrore. Ubi quidem τῷ aliquo Frigus significari leviusculum, vix audemus habere in dubiis. Est in his tamen: fitne Frigus hoc fugax, an continuatum toto tempore, quo habet dolor. Est enim in Febribus quandoque, ubi inter initia solum Frigus est, sed quod non ita diu mutetur in horrorem. Nempe frigus est, quæ Φρίκη Hippocrati: horror autem, frigus tremebundum.

§ 112. Etenim ἐν Φρίκησι καὶ οἱ τρόμοι ἔσώματι γίνονται, ut est l. de Flatib. XI. 117. Videlicet, in frigore etiam tremores corporis sunt tunc, quando Frigus, non subito transit, ut in correptione Synóchi, quam putridam appellant: sed protrahitur & pervadit ad corpus totum; sicut in Intermittentium aliquibus.

§ 113. Similis nos dubitatio de Horrore habet. Neque enim divinare possumus, levis horriditas nobis, an iustus horror sit intelligendus. Ista quidem, siquidem τὸ aliquo etiam ad sequens pertinet. Ille vero, si tantum ad præcedens.

§ 114. Priore casu, si Invasio ita à frigore incipit, ut ocius aut tardius paulo, in horrorem transeat invalescens; mirum, si non sequatur febrilis calor. Hippocrates l. de Vet. med. XXVIII. 92: ὅταν ψυχρὸν ἐσθλήῃ καὶ λυπήσῃ τὸ αἰσθητὸν, αἰεὶ ταχέως πρῶτον δὲ αὐτὸ τὸ πᾶν ἐστὶ θερμὸν αὐτὸθεν ἐκ τῆς ἀνθρώπου, ἔδεξις βοηθείης εἰδὲ ἄσφαλτος δέσφιδιον. Quum frigus est obortum, & molestia hominem afficit, protinus per hoc ipsum præsto est & ex ipso homine sua sponte existit calor, nullius auxi-

lii vel apparatus egens. Quod quibus exemplis probet, utinam ne pigeat videre : simul & conferre ad IV. de Morb. xx.

§ 115. Quod si statim horror, id est, tremor cum frigore adest, jam illa occurrunt ex ejusdem de Vet. med. t. XXIX. 97 : *εἴτε οἷον ἀν' ῥίγ' ὁ ψύχει, τῆτοιον ὁ ξύπτει* ὁ πυρετός ἐκλείμπει ; Nonne, quibus rigor accidit, his acutissima febris exardet ? Unde nos : nonne, quos horror invadit, febris excipit ?

§ 116. Diximus antea, quod Salivatio se ipso effectu ostendit esse criticam. Huic si horror accedit, febris non succedit : jam cupimus doceri, quemadmodum heic locum non inveniatur illud in Coac. 321 : *πρόδεον ἅμα κρὶς ῥίγ' ὁ*. Ideo enim *metuenda res est cum crisi rigor* : quoniam Spiritum significat, vel defetisci in opera, vel avocari ab opere.

§ 117. Quorum contraria fiunt in præsenti. Nam salivatio heic liberatio est. Quæ quomodo sine febre obtingat, nequimus capere. Hippocrates egregie eodem lib. t. XXXI. 106 : *πᾶν ἢ ἀπὸ πλῆθους ἐκ μὲν ὁ ψύχει, ἀπὸ δὲ μείων ὁ θερμαίνεται*. Omnibus evasio est, ex frigore percalefieri.

§ 118. Neque vero necesse est, ut febris, si adest, ad manum acris sit. Imo vero duæ causæ sunt, quare potius esse tactu mitis debeat. Priorem conditio, posterior excretio humoris suggerit.

§ 119. Conditio ei, qua humiditatem, qua frigiditatem, talis est, ut potius, quam sinat incendi calorem, reprimat, & usque eo refringat, ut foras non exardefcat.

§ 120. Claris hoc Præceptor in iv. de Morb.

XXIII: τὸ πρὸς αὐτὸν ἀπορον, & ὃ ἰαχρόν ἐστιν, ἐν ᾧ ἱκμαῖς
 ἰαίῃ, ἢ κτ' ὡς παρὰ τὸν ὁμήρου λυπέσαι ὀλίγω πλεον ἐστίν· *Ea*
febris neque ambigua, neque valida est, cum qua aquosus
humor, quum causa nobis agrotandi est, aut paria facit,
aut paulum excedente excessu certat.

§ 121. Deinde: quia cum horrore mox saliva
 prodit, humorque victus, nihil causæ est, sive Febri
 ad ingravesendum, sive Spiritui ad intendendum
 vires. De rheumatis diserte ὁ αὐτὸς l. de Vet. Med.

XXXIII. III: ὅταν παχύτερα καὶ πεπνυγμένα γένηται, καὶ
 πάσης δριμύτητι ἀπηλασμήα, τότε ἤδη καὶ οἱ πυρετοὶ λύον-
 ται, καὶ πάλιν τὰ λυπέοντα τὸ ἀνθρώπον· *quum crassa &*
cocta erunt, atque omnis acrimonia expertia, tum & fe-
bres solvuntur, & qua præterea dolore hominem afficie-
bant. Salivæ rheuma nisi talis esset SERENISSIMÆ
 PRINCIPI, monuissent nos, qui nostras cogitationes
 ibant informatum.

§ 122. Quibus hoc denique accedit, quod nullam
 vel speciem habet veri, tam gravi, tam acri, tam cru-
 ciabili & continenti aliquem dolore affligi, & non
 febrile interim. Ipse dolor, quicumque vehemens
 est, quasi species febris est. Non sit autem is, quem
 materia facit violenta? quam & Natura superare nisi
 per vim non est potis.

§ 123. At quæ est illa vis, quam admovet ad ma-
 teriam morbificam velut arietando expulsandam, si
 Febris non est; sive ipse Naturalis calor (quem Ga-
 lenus de Usu part. XIV. 6. primum Naturæ instru-
 mentum vocat) eatenus auctus, ut modum, hinc qui-

dem ordinariis functionibus debitum excedat, hinc contra acquirat convenientem operi extra ordinem gerendo?

§ 124. Non possumus non in hanc rem etiam ea adducere, quæ leguntur eodem l. de Vet. med. xxxiv.

117: ὅσον δὲ αὐτὸ χρόνον ταῦτα μετέωρα ἦ, καὶ ἀπείρητα, καὶ ἀκρητὰ, μηχανὴν ἐδεμῖν ἔτε τῶν πόνων πῶσιαιδῃ, ἔτε τῶν πυρετῶν. *Quamdiu autem ista (quæ morbi sunt materia vel causa) seditiosa sunt, & cruda, & mera, nulla ars aut dolores sedare, aut febres potest.*

§ 125. Hisce tandem omnibus addatur & comparetur historia Morbi capitis, innominati quidem, sed accurate descripti in 11. de Morb. t. xvi. apud Foësium sect. v. pag. 24. lin. 31. ibi: Πύριον, ὀδυνη καὶ πυρετός. Quam historiam quisquis examinabit, nostram fidem, si non fatebitur, vel eandem cum proposita, vel ei esse quam proximam.

§ 126. Quod enim est in admodum paucis symptomatis discrimen, id unde sit, facile est rationem invenire. Ibi enim morbus trahitur: in nostra statim vincitur. Ibi tractu res in periculum devolvitur: at nostra statim periculo defungitur, quia statim materia peccans excernitur. Quæ contra eadem sunt utrobique, usque adeo sunt & manifesta & collatu promota, ut merito habendi simus tempus decoquere, si longum his inhæreamus.

§ 127. Prætermittere interim silentio & non rogare Nobilissimos DD^{nos} Archiatros non sustinemus, ut considerare velint, an non etiam Lipyriæ quædam species comitetur SERENISSIMÆ PRINCIPIS dolores:

res: de hac autem non prius arbitrari, quam consideratis, quæ in eam rem leguntur l. de Judic. t. IV. apud Foësium sect. 11. pag. 21. lin. 20. ibi: οἱ ὃ λοιποῖ. ut & posito præjudicio, quod vulgo de Lipyria febre habemus.

128. Hactenus ex nostra, ut professi sumus, conjectura. Quam si, non tam allata non una ratio, quam ipsa observatio verat; jam in propatulo Efficiens causa tum doloris tum fluoris est:

§ 129. Nauseam quod attinet, de ea hoc unum modo monemus, videndum esse, in quantum applicabile ad eam sit, quod est I. Epid. 11. fine κατὰ β'. οἱ βαρεῖα μὲν ὅλης τ' κεφαλῆς, καρδιαγμοὶ δὲ καὶ ἀσώδεές εἰσι, ἐπανεμέεσι χολώδεα καὶ φλεγμαλώδεα. Pro quibus interpres: *Quibus gravitates quidem totius capitis, oris autem ventriculi morsus adsunt, & nauseabundi sunt, hi biliosa & pituitosa vomunt.* In græcis quanto plus & significantiæ sit, & quod faciat ad propositum casum, non potest latere expendenti verba, & conferenti cum iis, quæ de diritate paroxysmi perhibentur. In vomitum nausea quod non exeat, salivatio facit.

§ 130. Quod si porro ad modum attendimus, quo sese SERENISSIMA PRINCEPS ipso in accessu habet erga quædam corporis officia, videntur prorsus, quæ de eo referuntur, conjecturam nostram confirmare. Quod enim adventante paroxysmo dolor, & frigus, & horror, & nausea, & cardialgia, hæc symptomata, quando vincere SERENISSIMA PRINCEPS ambulando tentat, potius augentur; id esse aliunde

nequit, quam quod concepti jam sanguine flatus agentur magis. ὅπως δὲ αὐτὸν ὁρμήζωσιν αἱ φύσαι παλιν καὶ ψυχρότης, τοῦτο γίνεται καὶ ῥίσις, inquit Senex l. de Flat. xi. 114. Sensus est : *Pro copia & frigiditate sua flatus facere & impetum & horrorem.*

§ 131. Quomodo autem ab eisdem fiat Capitis dolor, sequente mox t. xii. 139. exponit. Ubi hoc singulatim meretur notari, quod cum eo fiant σφύμμοι ἀμφὶ τοῦ κρανίου, *pulsus in temporibus validi & concitati.*

§ 132. Quibus, lucis causa, hoc unum verbum subnotamus : Hemicraniam flatus inducere, quia & vasa (quæ per ejus lateris meningem & temporalem musculum ejusque præsertim passum medium que tendinem discurrent) ipsa distendunt tumefaciendo, & membranas divellunt suo tumore. Aucto autem dolore capitis, quid augeri Nauseam miramur, si intelligimus rationem Aph. vi. 50. quem & in Coacis habet ii. 507.

§ 133. Quod ad Cardialgiam denique, quemadmodum necesse est, ἀνώμαλον φρεσίν τὸ σῶμα ita & φρεσὶν ἀνάσσει. Utrumvis experientia docet. Et cui vero incompertum est, quod, *qui angitur, horret; qui horret, anctatur?* Istud Hippocrates habet lib. de Morb. sacr. t. xvi. 111. Illud autem facile admittimus, si non nescimus (at quei nesciamus?) anxietatis sedem in Corde esse, & huic miro modo consentire, quod Cor quoque, & ex ipso, vi. Epid. vii. vocamus, inde ab immemorabilibus seculis.

§ 134. Sic &, quare fiat, ignorare nequeunt, qui intel-

intelligunt, quid sit, refrigerari loca, *ὅν αἱ πηγαὶ καὶ αἱ ρίζαι τῶν αἱμάτων* ubi fontes & radices sanguinis sunt. Ita enim appellat l. de Flat. x. i i i. quod & plenius ostenditur l. de Corde t. v.

§ 135. Sicuti vero sub accessu, corpus si agitet SERENISSIMA PRINCEPS, gravius: ita, si quieti det, mitius habet. In verbis tria notamus. Primum: quod de symptomatis istis dicitur, ²⁸ *nonnihil minuuntur*. Secundum: quod hæc minutio tum demum est, ²⁸ *si lecto se committit*. Tertium: quod ²⁹ *ex-
cipitur nausea*.

§ 136. Primum tale est, ut æstimare, nisi ex ejus, cui opponitur, comparatione nequeas. Ibi motu corporis, eoque leni, ambulatione, & quidem feminae, & quidem principis, dicuntur symptomata augeri; simpliciter & sine restrictione ulla.

§ 137. Quod quid aliud potest significare, quam hinc ob Morbi vim, jam concepti venis, & quæ crabronis instar vel minimum impune se non ferat irritari; hinc ob Spiritum occupatum & impatientem addi afflictionem afflicto? Spiritui certe anxio parum laboris satis est ad oppressionem.

§ 138. Contra heic dicuntur ²⁸ *minui* quidem, sed ita, ut si non sit nihil, quod de eorum vigore decedit, vix tamen sit effatu dignum. Decedere enim quidquam symptomatis, cum quibus invadit paroxysmus, nequit, nisi victis à calore. Vinci autem tum demum incipiunt, quando inclusus, *ἀπὸ τοῦ πυρὸς* crasforum crudorumque flatuum, cordi Calor ardentius suum ipse sanguinem incendit, paulatimque

gliscens vires eundo fumit, & in corpus se diffundit.

§ 139. Explicate hoc Præceptor l. de Flat. XII. 132: *ἐκρέταν ἡ σπασμωδικὴ ἀθροισθὲν τὸ πλεῖστον τῷ αἵματι* Ⓞ, *ἀναθερμαίνεται πάλιν ὁ αἷρ, ὁ ψύξας τὸ αἷμα, κρατηθεὶς ὑποδὲ θερμότητι* Ⓞ. *Quum vero confertim coactum fuerit plurimum sanguinis, percalescit denuo aër (sive flatus,) victus à calore.* Unde facile est, ut nobis persuadeamus, illud, ²⁵ *nonnihil minui*, nihil velle præter quod *Ἐφορωτέρας* ferat accessionem SERENISSIMA PRINCEPS, quando se ad ferendum componit potius, quam ad vim vi quasi repellendum.

§ 140. Istam interim qualemcumque tolerandi commoditatem SERENISSIMA PRINCEPS quod non percipiat abstinens à motu, nisi etiam ²⁸ *lecto se committit*; hoc quoque & vim invasionis & subsecuturæ mox afflictionis magnitudinem indicat & ostendit clare. Nam ita occupari ab accedente morbo Spiritum innuit, ut laborare in gestando corpore non sustineat.

§ 141. Etenim etiam corpus sustinendi difficilis est labor Spiritui, quum ejus in musculos influxui flatus cœpit in arteriis intercedere. Vim quippe movendi ab impulsu sanguinis esse, multa probant. In quæ heic tamen locus anquirendi non est.

§ 142. Istam vero difficultatem etiam augescere torpore, quem quilibet ²⁵ *cum frigore* invadens paroxysmus adducit secum, quis ignorat, expertus febrim, quæ & certum circuitum habet & ex toto remittit? Et quis est, qui sub eadem non didicit molestis-

lestissimum frigus evadere, si distulit maturius operiri &, antequam inhorresceret, multa veste tegi?

§ 143. Quod cum facit SERENISSIMA PRINCEPS, consulit sibi. Ita enim ab externi aëris vindicata injuriis, nec fatigata motu, non potest non & pacabiliores dolores experiri, & judicationem paroxysmi secundiorem. Hoc promittit Aphor. II. 48. plena significatione.

§ 144. Sed quare non æque? *Nausea* fit minor? Quoniam decumbendo non tollitur causa. siue eam Cruditas facit, onere gravans & provocans: siue Sanguinis flatulenti, dum per ventriculi circumit tunicas, dilatans tepor; eo modo, quo potus tepefactus nauseosus.

§ 145. Cui rei argumento est, quod in febribus maxime & nausea & vomitus fiunt, quando ex horrore incalescimus. Non enim, quando frigemus: nisi multa faburra in tantum præcordia gravet, ut periculum videatur à præfocatione. Non etiam, quando calemus: nisi provocent humores in ventriculo accensi aut in eum confluentes & mordicantes.

§ 146. Nauseæ vero hujus etiam planior videtur futura ratio consideranti, quemadmodum aliquibus parce cœnatis ex musto non multo fiat, cum surgunt è somno & se induunt. Hippocrates II. de Diæt. XIII. 233: γλῶκϙ Φυσῶ, ὅπῐ. θερμαίνετῐ. *mustum inflat, quoniam calefacit.*

§ 147. Calore enim, quod in musto crudum est & aqueum, πνέμα ἔστι καὶ ἀεὺς, non modo in flatum vertitur, sed & amplius compage soluta vehementius

mentius agitur in gyros : unde partium, quas invadit, impletiones atque distentiones, necessario consequuntur.

§ 148. Quicquid fit, non potest ista nausea sine æstu interiorum esse, & sine fluctuatione Spiritus, sese à flatibus vindicare satagentis.

§ 149. Quod quia facere, nisi calefaciendo & rarefaciendo, non potest, idcirco est, quod ¹⁶ *in ipsa paroxysmo dolores adeo sunt intensi, ut ne loqui quidem SERENISSIMA PRINCEPS sustineat ;* ¹⁹ *nedum corpus ullatenus movere ; nedum cibi aliquid, potiusve sumere.*

§ 150. Ubi hoc obiter notamus : ex eo, quod invasionem paroxysmus sequitur, sive exacerbatio gravior, tantum non certos nos reddi, adesse febrem. Ab hac enim Crudum sanguinis *τήκε) πυρρόμυον, καὶ ζίβε) πύμα, liquitur accensum, & fit flatus, sive tenuior & concitior & violentior vapor.*

§ 151. Sed dixerit fortasse quispiam : quomodo ergo fluores generantur à flatu ? quomodo salivatio fit ? Respondemus cum nostro, toties laudato l. de Flat. XII. 128 : *ὡς δὲ τῷ λεγόντων αἶμας αἰὲρ χεῖται πλὴν, ἐνφορμὴς τῷ ὕδατι. ἔτω καὶ σώματι θερμαινόμεν, δέισι διὰ τῷ σώματι ὁ αἶρ, ζῶντες εἰσπύρεται, καὶ βίη φερόμεν. Quemadmodum à lebetē vapor surgit multus, quum aqua fervet : sic & corpore calefacto, aër os perfundit, conglobatus & vi eo delatus.*

§ 152. Salivam, præsertim criticam, ex spumeis minutisque bullulis, intra se aërem sive attenuatum flatum vehentibus conglobatum fluorem esse liquet obser-

observanti. Si istud non est satis, satis esse debet, quod Salivatio ista sit critica, Naturæ beneficio procurata, & ad paroxysmum eo tempore judicandum, ut alias per Sudorem solet. Una enim salivæ & sudoris materia est.

§ 153. Tantum de natura & causis Affectus propositi, sive Hemicraniaë menstruæ quam inscripsimus, quod ¹⁵ *singulis mensibus* revertatur.

§ 154. Equidem ista nos prolixius: non quod quidquam omnium, quæ diximus, ignotum puteamus Excellentissimis & Celeberrimis DD^{nis} Archiatris, quibus hactenus demandata SERENISSIMÆ PRINCIPIS cura fuit: neque ad aliquam eruditionis, quam nisi tenuem & curtam in nobis non agnoscimus, ostentationem: sed ad nostram primum SERENISSIMÆ PRINCIPI testandam voluntatem pronam & promptam in ipsius omne obsequium, tum & probandam Illustribus DD^{nis} Archiatris cum diligentiam in pensiculando etiam minutissima quæque, tum fatigentiam in satisfaciendo officiosæ ac benevolæ illi rogationi, qua nos dignati sunt rogare, ⁸² *ut sententiam nostram, quam fieri potest* ⁸⁴ *accuratissime exponamus.*

§ 155. Memores itaque, boni Medici esse præsertim in re ardua, præsertim in persona splendida, præsertim in Principe tam excelsa & cunctis cunctorumque laudibus majore, *παρὰ τὸ ὑποδείχθαι ἐκπέπειν, nihil sine demonstratione proferre* (nam ita præcepit, qui & præstitit, admirandus Senex l. de Eleg. II. 42:) nostrarum omnino partium existimavimus, hac parte

ne in minimo quidem deesse. Quod itaque summo nos studio decebat niti, nisi sumus. Quæ ratio, quod peccare in prolixitate, quam obscuritate maluimus.

§ 156. Sed ad alteram, quæque principalis est, Consilii partem adeamus, ad Methodum curandi. Nam & de ²³ *remediis* rogamur, & de his maxime oportet esse sollicitos, qui tam volunt, *μη λόγῳ μόνον* (ut est in Lege t. 111. 31) *ἀλλὰ καὶ ἔργῳ ἡγεροὶ νομίζεσθαι* non sermone tantum, sed & opere Medici haberi: quam nolunt gubernatoribus ab Hippocrate adsimilari malis, l. de Vet. med. xvii. 47.

§ 157. Hac autem in re & summa difficultas est, & major ignaris, quid hætenus sit actum, & quo eventu. Itaque fieri vix potest, ut non incidamus in eandem Auxiliorum materiam, quæ jam in usu fuit. Quin id certo fiet, si eadem utrobique sentimus de Affectu ipso. Sic enim necesse est per easdem incedere Indicationes ad materiæ, qua juvandum est, tam selectionem, quam administrationem.

§ 158. Fiet interim hoc non uno fructu. Nam & confirmabit Nobilissimos DD^{nos} Archiatros in sententia, & erit ad persuadendum SERENISSIMÆ PRINCIPI, ut ne placeat, statim condemnare, si quid non statim profuit; quoniam sæpe pertinacia iuvantis, malum corporis vincit: saltem non removeat, si quid paulum saltem iuvat; quia profectus tempore expletur: sicuti prudentissime monet Celsus, ille excelsus, & quo post Hippocratem alius non fuit prudentior medicus, lib. 111. cap. 1. & 12.

§ 159. Quem-

§ 159. Quemadmodum vero peritus Sagittarius nisi in præstitutum scopum non intendit & dirigit & amittit, & ut feriat præmiumque auferat : sic, & multo magis, debet fidelis Medicus videre primum, qui sint Scopi suis ad consequendum Sanitatem actionibus propofiti.

§ 160. Ita enim est, ut Hippocrates inquit l. de Artet. xx. 96: ὅσῳ μὲν δὲ καὶ πρὸς τὸ ὀφθελῶσαι, ἐξαρκεῖσθαι καὶ πρὸς τὸ ἰαθῆναι. Pro quibus ecce latina cum aliquo fœnore. *Quisquis* medendi præceptis probe & instructus & exercitus *suffecerit*, tum *ad videndum* ea, quæ Natura in auxilium contra morbum postulat, & Morbus ipse sibi contraria dicat, tum *ad inveniendum* & comparandum illa in præsens Instrumenta, quæ, si rite administrentur, natura & arte sunt apta nata valere contra vim morbi: is *abunde sufficiet ad sanandum*. Ita enim est:

Si quam rem accures provide atque industrie,

Solet illa recte sub manus succedere.

§ 161. Itaque, ut methodo procedamus, indicandi primum nobis Scopi veniunt, sive intentiones, quos habere medentem ante oculos oportet in omni Remediorum materia offerenda prospere, hoc est, suo tempore, loco, modo. Quod ut præstemus, operæ erit summatim repetere, & sub unum intuitum collocare, quæ antea multis de Affectus cum natura tum causa proposuimus. Summa autem & tantum non ἀνακεφαλαιώσις dictorum, hæc est.

§ 162. SERENISSIMÆ PRINCIPIS Affectus sunt quatuor. Quorum ista, quam exhibemus, series

est, si ἀνάλυσιν sequimur Artis: sicut reciproca, si γένεσιν spectamus Naturæ, nostris ut plurimum erroribus adactæ ad morbos faciendum.

§ 163. Unus est, ^{1^o} *Hemicrania periodica*. Qui specie principalis, revera symptomaticus est. saltem nisi Paroxysmus non est, cum mense & mensibus reverrens, & cum Salivatione, ceu subita crisi, recedens.

§ 164. Secundus est, ^{2^o} *Anemia Sanguinis*. Qui, ut causa sub paroxysmo cruciatuum, ita effectus efferventis, ad Seri plenitudinem deplendam, Spiritus five nativi calor est.

§ 165. Tertius est, ^{3^o} *Congeries seri*. Qui & præcipuus Affectus est, & causa præcedentium. Etenim Serum sese & materiam Flatibus præbet, & πύρεσιν Spiritui ad fervendum, & inflandum, & dolorem inflatu, & salivationem confluxu ciendum, perque eam dolore simul & omni in præsens labore defungendum.

§ 166. Novissimus est, ^{4^o} *Atonia ventriculi*. Qui ut fuit primogenitus Naturæ, non sua tamen culpa, exerrantis filius: ita & genitor cunctæ, quam videmus, progeniei est.

§ 167. Constitutis Affectibus curandis, proximum est, ut constituamus Methodum cujusque curationis. Nam quot Affectus, tot nos curæ manent. Omnium vero communis Indicatio, ablatio est. Sed hæc, quia generica, etiam inutilis est, nihil sapiens supra id, quod etiam rusticus novit, & cerdo quilibet.

§ 168. In

§ 168. In concursu tamen multorum Affectuum, causa quærendi est, Quis prior omnium debeat auferri? Procul dubio is, qui magis urget. Quis autem magis urget? Procul dubio, qui vel effectu savior, vel efficiendo prior est. Ille, quia præceps in periculum est. Ille, quia, qui causa est, non curato, nequit, qui effectus est, umquam curari. Hoc modo urgentior Ventriculi atonia: illo contra, Hemisrania est.

§ 169. Itaque hinc exordium sumamus potius, quo desiderio satisfaciamus citius. Nam videtur, ut & ante dicebamus, hæc esse sponsa, cujus gratia omnis nostra saltatio est. Si est, de facili impetrabit veniam cancrinæ methodo.

§ 170. Hemisrania igitur considerari vel ut Morbus vel ut Symptoma potest. Morbus est, quatenus est Dolentis vel spiritus laceratio vel partis inflatio. Qua laceratio, obtusionem: qua inflatio, Diffusionem indicat.

§ 171. Obtusioni heic quemadmodum possit satisfieri, perseverante inflatione, non video. Neque inflationi, quamdiu æstus durat, & flatuosioris per eam partem sanguinis concitata periodus, ut appellat Hippocrates l. de Infom. xii. 144. Si qua tamen spes mitigandi dolorem est, esse in his debet, quæ Flatui nimium urgenti viam faciunt foras.

§ 172. Quæ hanc præstet Materia, omnis & calida esse & tenuium partium debet: ut & materiam digerendam attenuet, & attenuatam digerat. Utrumlibet egregie facit gummi, quod Caraña vocant,

vino solutum & cum exigua portione Mastiches ferreo inductum pro emplastro.

§ 173. Fomento enim, de quo forte aliquis cogitet, intolerantia motus contradicit. Sicut litui ex oleis, si non proprietas cutis, certe obstipatio cutis. Idcirco enim plurimis olea cuticulam in pustulas tollunt, quia sistunt τὸ ἀπορῶν τὸ ἀδιδόν, *perspirationem immanifestam*; præsertim si biliosa est.

§ 174. Sin autem consideretur Hemicrania tamquam symptoma paroxyfmi, sive æstuantis sanguinis, quemadmodum revera est: hoc unum indicat (si hoc est indicare,) expectandum esse, donec ejus deferbeat causa. Quippe hunc, quantumvis rabidum, dolorem evanescere, ubi subsedit æstus, velut umbra remoto corpore, jam toties eventus docuit. Cui bono igitur, sollicitis esse ea de re, cujus remotio solius Naturæ munus est?

§ 175. Interea, ut etiam maturius hoc SERENISSIMA PRINCEPS consequatur, roganda officiose, ut protinus, quum jam vel minimus se ostendat anteaambulando paroxyfmi, esse in lecto velit. Imo, si præsciri tempus accessionis potest, potius eo die non surgere, sed quiete & calore vim exacerbationis etiam amplius frangere. Quum enim minus molesta sit statim ab invasione decumbenti, certa spes est, etiam minus molestam fore, in his eam, quæ diximus, opperienti.

§ 176. Ergone in Paroxyfmo nihil faciendum? Profecto nihil. Ita enim jubet Aph. I. II. ut & unde vigesimus ejusdem libri. Si namque noxium est, sub

sub paroxysmo cibum : quanto magis erit , medicamentum dare ? Quamobrem , sicuti recte cibo se SERENISSIMA PRINCEPS abstinet , durante paroxysmo , ita nec debet ἀνασχεῖν , ullisve ad quid sumendum precibus persuaderi.

§ 177. Quin expressum præceptum est Aph. 1. 20 : Τὰ κρινόμενα μὴ κινεῖν , μήτε Φαρμακείῃσι , μήτ' ἄλλοις ἐπιθεμοῖσιν , ἀλλ' ἑαῖν . *Quæ judicantur , ne moveto , neque medicamentis , neque ullis irritamentis , sed finito.*

§ 178. Heic judicium exercere Naturam , & se deoneratum ire à serosa plenitudine , tam est ex Salivatione clarum , ut , hoc si quis non videat , media die nobis cæcutire videatur. Non est vero , ut quis additam à Præceptore conditionem urgeat : si δέως , si bene. Nam si uspiam , heic bonum est hoc judicium : & sane quod ad omnem , quam significare istud adverbium potest , vel circumstantiam , vel qualitatem. Et quis credat , si in ullo ulli suæ parti Natura non faceret satis , futurum , ut ³⁴ *instar sane surgat* SERENISSIMA PRINCEPS non absoluta judicio.

§ 179. Quod si nostra conjectura , Paroxysmum hunc esse febrilem , ita certa est , ut propter allatas pridie rationes visa est esse , & vix potest non esse , jam multo etiam magis suademus , nihil , nihil prorsus , vel ante paroxysmum , vel sub paroxysmo moliri : sed ἡσυχάζειν , καὶ τὸ κλύουσα , καὶ τὸ ἰστέον τῇσι πρεσβύταις . *penitus abstinere , cum agrotantem , tum medicum ab omni curatione.* Et qua hoc de causâ tam serio ? ὅπως μὴ κατεργάζηται τι κακόν . *quo ne quid alteruter committat mali :* inquit Hippocrates in 111. de Morb. t. xxiv.

§ 180. Ægro-

§ 180. Ægrotanti quidem nihil accidere gratius potest, quam ut liceat sibi quieto esse, & excusato ab omni medicina, interim dum κατηγάρξαι αἱ νόσοι, sive paroxysmis velut *procellis furunt morbi*.

§ 181. Debet & Medicus, si nescit, discere, si scit, velle nihil eo tempore agere. Hoc autem lubens meritoque volet, quisquis intelligit Febrim esse & Naturæ opus & tale quidem, quod ipsa sibi in auxilium parat contra gravissimos quosque, & periculosissimos morbos.

§ 182. Naturæ opus esse, multis locis ait Hippocrates. Sistimus nunc unum & alterum. Priorem ex l. II. de Morb. xx. Φημι ὅτι τὸ πῦρ ἐστὶν, ὃ, τι ἀνὸς ἐστὶ σώματι τὸ πῦρ λαβὼν τὸ ἀνθρώπου. Dico autem *febrem esse, siquidem ab ipso corpore ignis prahendit hominem*. Nota: ab ipso corpore. Quod quid est aliud, quam proprio motu? Ita se explicat ipse de Vet. med. xxviii. 92: πᾶσι τὸ θερμὸν αὐτόθεν ἐκ τοῦ ἀνθρώπου. Existit calor per se ex ipso homine. quæ verba jamante & copiosius exhibuimus.

§ 183. Sed dubitare nullo modo finit posterior locus, qui est l. de Morb. vi. Γυναικὰ, αἱ, ὑπὸ παύσει πειζομένη ἐκ τούτου, πρὸς τὸν Πιγενέα, ἀγαθόν. καὶ τεταμένη ἐκ τούτου καὶ παύσει, πῦρ Πιγενέα, ἀγαθόν. Mulieri convulsione ex partu vexata, *febrem supervenire, bonum*. Etiam quem tetanus habet, aut convulsio, *ignem supervenire, bonum*.

§ 184. At, bone Senex, hæc nos, cum eveniunt, maxime terrent. Fortasse, quoniam nescitis, ὅτι τὰ πᾶσι διὰ δεινὸν ἔτε ἀμαθίαν ἔτε σοφίαν ἰσχυρῶν, γίνονται

τε καὶ ἐ γίνεται, ἀλλ' ἀπὸ τῶ αὐτομάτε, καὶ ὁπτιυχίης ἡρό-
 μῶα τε ὠφελεῖ, καὶ βλάπτει καὶ τὸ αὐτὸν λόγον. *quod ista*
per nullam vel imperitiam vel sapientiam medicorum
fiuntve aut non fiunt, sed sponte sua, sine adminiculis
ullis: & siquidem prospere eveniant, juvant; sin aliter,
nocent.

§ 185. SERENISSIMÆ PRINCIPI quod sua fe-
 bris, certe suis paroxysmus prosperrime eveniat,
 summa, in quam definit, integritas verat. Quæ ita
 est pro spe atque votis secunda, ut, quid obtingere
 optatius queat, ne mente quidem assequi queamus.
 Nam post illum ³⁴ *instar sana surgit & comedit more*
solito.

§ 186. Naturam vero febrem, ut sua sponte exci-
 tat, ita adhibere pro remedio adversus omne pene
 genus morborum, præsertim ubi materia aliqua, vel
 impura secernenda vel aliena excernenda est, locis
 Hippocrates innumeris dicit. Rogamus nunc ista
 dumtaxat considerari, quæ dicuntur Aph. II. 26. &
 Coac. 358. Aph. IV. 57. & Coac. 157. Aph. V. 5. &
 de Morb. II. 6. Aph. V. 70. & I. Epid. III. 4. Aph.
 VI. 40. 44. 51. & Coac. 475. 161. Aph. VII. 52. &
 Coac. 449.

§ 187. Non continemus nos, ut ne dicamus ista
 Celsum, illum virum, intellexisse probe. Etenim lib.
 II. cap. 8. in quoque morbi genere proprias notas ex-
 plicaturus, quæ vel spem, vel periculum ostendant,
 ita de hac re loquitur pag. meæ edit. 70. l. 1: *Deni-*
que febris ipsa (quod maxime mirum videri potest) sæpe
presidio est. Nam & præcordiorum dolores, si sine inflam-

matione sunt, finit; & in jecinoris dolore succurrit; & nervorum distentionem rigoremque, si postea caput, ex toto tollit; & ex difficultate urina morbum tenuioris intestini ortum, si urinam per calorem movet, levat.

§ 188. Eapropter est, quod lib. 111. cap. 9. p. m. 138. l. 9. dicat, esse circumscripti quoque hominis, & novare interdum, & augere morbum, & febres accendere: quia curationem ubi id, quod est, non recipit, potest recipere id, quod futurum est.

§ 189. Quibus consilium addo curandis febrium lentis ab ipso datum eodem segmento, p. 137. l. 5: At, si diu frigus est, & torpor, & jactatio corporis, non alienum est, in ipsa febre dare mulsi tres aut quatuor cyathos, vel cum cibo vinum dilutum. Intenditur enim saepe ex eo febris; & major ortus calor simul & priora mala tollit, & spem remissionis, inque ea curationis ostendit.

§ 190. Quæ ipsa tamen etiam ab Hippocrate, ut omnia pene, accepit. Videre id, cui otium, potest l. de Loc. in hom. t. XLVII. & VI. Epid. v. 10. Ceterum ista ejus sunt generis, quæ πολλοὶ θαυμάζουσιν, ὀλίγοι δὲ γνώσκουσιν. multi mirantur, pauci intelligunt, ut est l. de Diæt. xx. 213.

§ 191. Atque istæ super paroxysmo nostræ considerationes sunt. Quæ hoc dictant nobis: In paroxysmo illum optime curare Medicum, qui hoc unum curat, ut nihil curet. quoniam rêvera ibi omnium optima sunt, quies & abstinencia. Quæ cum Celso 111. 2. p. m. 114. l. 20. commendasse, summi nobis consilii loco est.

§ 192. Anemiam porro sanguinis quod attinet, quo-

quoniam & ipsa est ex eo genere, quæ *συνεδροδόντα* appellat Galenus, & describit in com. ad Aph. 12. lib. 1. licet uno nobis verbo defungi : Nihil indicat. Ubi autem nulla indicatio, nulla ratio quidquam movendi est. Symptoma autem, ut symptoma, nihil indicare, in axiomatis medendi est. Tale autem esse, ostensum est supra, & liquet rem examinanti. Itaque verbum non amplius.

§ 193. Posteaquam igitur prætervecti Affectus symptomaticos sumus, forte & scopulos curationis : deinceps vela, atque utinam secundis ventis ! dirigamus ad Morbos essentielles, sive ipsos illos, qui sunt, ut noster l. de Flat. 11. 19. loquitur, *ἀρχὴ καὶ πηγὴ τῶν ἐν τῷ σώματι κακῶν* *principium & fons eorum, quæ sunt in corpore, malorum.* Malorum quidem, quæ SERENISSIMA PRINCEPS patitur, verum principium, Atonia ventriculi : verus fons, Congeries feri est.

§ 194. Videlicet, vasorum serosa plenitudo est, cujus è sinu, velut Æoli antro, procedit omnis ista, quam vidimus, ventorum tempestas. Quos quidem Natura suo igne suscitatur, partim invitata à consuetudine, partim incitata à plenitudine. Quæ quia Naturam gravat, turbat. Gravatur : quia *βαρύνει τὸν ἐστὶν ὑγρῶν, ὁ ὑδρωψ* *gravissimus humorum est Serum.* Turbat autem : quia *πόνον καὶ θερμὴν παρέχει* *laborem sive dolorem & calorem excitat.* Unde mox febris.

§ 195. Ἀπὸ τῆς ὑδρωπικῆς ὁ γίνεται πυρετὸς ἰσχυρὸς καὶ ῥᾶ, ὅθεν πολυχρόνιος. τῷ γὰρ πυρετῷ, ὅσα ἀναστὰς τροφή ὁ ὑδρωψ ἐστίν. *A sero autem non fit febris valida valde, neque longi temporis. Etenim igni haut bonum alimentum*

est serum. Præ quibus quid in rem præsentem dici possit, quod eam repræsentet efficacius, equidem non novimus. Sunt autem ex iv. de Morb. t. xxv.

§ 196. Non speramus (ut hæc cum venia interfermur) fore, ut vitio quis ducat nobis, quod toties ad Hippocratem provocemus. Quid enim, si Jurisconsulti propter auctoritatem doctissimi viri Hippocratis recipiunt & ideo credendum dicunt l. 6. D. de Statu hom. quod merito vocare ratio in dubium poterat: quanto magis standum nobis est auctoritate ejus, quem omnium bonorum in Arte auctorem fatemur cum Galeno l. de Venæf. adv. Erasistr. l. D?

§ 197. Porro, Vasorum hydrops idcirco Naturam potius eo, quo monetur facere mulieri secundum consuetudinem, tempore turbat, quia tum magis gravat. Gravatur autem magis, quia per ipsum Sanguis ineptior est fermentationi. Absque qua si est, nulla menstruatio est. Natura interim, quo ne officio defuit, usque eo intendit vires, quo opus est, ut una opera & aquas exigat & menstruum solvat. Sed de his satis in superioribus.

§ 198. Ut & de eo, quod hujus Vasorum hydropis principium & causa antecedens sit Ventriculi atonia. Quæ ipsa tamen fovetur non parum à Sanguine seroso, hoc est, justo magis humido, justo minus calido.

§ 199. Atonia enim ventriculi talis ejus imbecillitas est, quæ & in paucitate caloris & in flacciditate corporis consistit. Per hanc stricte complectendis assumtis, per illam plene concoquendis non sufficit.

§ 200. Sic

§ 200. Sic & ista *πλυσθρία* sive (liceat enim sic nominare) Hydrops est redundantia feri sanguinis. Quam propterea Cor admittit, quoniam ejus ignis non satis est, non dicam, ad emendandum primæ concoctionis vitium aptus: sed ad spissandum Chyli cremorem vegetus vel vaporandum ejus aquosum validus.

§ 201. Atque hoc filo, tamquam Ariadnæo, ingrediamur in eum Labyrinthum, ubi nescio quis infelix Dædalus inclusit SERENISSIMÆ PRINCIPIS Divam Sanitatem. Pro qua toto nos corde plura facimus vota, quam ei laudes cecinit Ariphron Sicyonius jucundissimo pæane & gratiis mellitissimo.

§ 202. Duo itaque se ad curandum offerunt Morbi, & ambo ita invicem implicati, ut initio statim dubites, utri sit primo manus adhibenda: Serositati sanguinis, an Imbecillitati ventriculi. Sed hæc dubitatio, nebulae instar matutinæ disparebit orto Sole rationis, methodique luce aurea sese inferente.

§ 203. Serositatis una est & simplex indicatio: Depletio feri, quod superat. Ita loquimur, quia constat, non totum auferri, sed tantum debere. Non totum: tam enim vitiosum est, & incommodum sanitati, Sanguinem habere feri, vehiculi non satis, quam nimis. Sed tantum: sive id, quod superat, tantum.

§ 204. Deplendi materia autem unde petenda? unde, volo dicere, petenda est illa res, illud instrumentum, quo effectum dari hæc depletio possit? Hoc definiturus considerare debet: Qualis in cor-

pore materia fit Serum, sive objectum depletionis.

§ 205. De hoc receptum est, & recte, Maximam partem esse Aquosum liquorem: genitum ex quovis potu aut potulento: & ad hoc, ut serviat fluxilitati ac mobilitati conciliandis, primum Chilo chilique cremori, tum Chymo & adjunctis humoribus; tum & Sanguinis frænando æstui: iisque tandem officiis defunctum egeri, & potio rem partem per Cutis poros insensibiliter, insignem vero etiam per Urinas.

§ 206. Ubi jam & hoc observatum est, & observatur quotidie, & habemus exemplum in SERENISSIMA PRINCIPE: Qui per cutem digerunt minus, mejere magis: & è contrario. Cui simile, & ob similem rationem est, quod notat Aph. 1v. 83.

§ 207. Quo constituto, paret: Superantem feri materiam esse educendam, ὅκτις αὐτὴ μάλιστα ῥέπει. *quo maxime vergit*, Aph. 1. 21: hoc est, quo ire sua sponte seu Naturæ ductu solet. Ergo, in præsentī, Serositatis nimium debet vel per Habitum vel cum Urinis evacuari. Istud, quæ præstent διαρηκτὰ Hippocrati: quæ illud, ῥεηλικά dicuntur: ceu alibi notatum nobis.

§ 208. Heic jam iterum sese hoc quæstionis ingerit: Utra sint eligenda: Diuretica, sive sudorifica vulgo; an Uretica, sive quæ urinas ciunt? Ad naturam SERENISSIMÆ PRINCIPIS, & quæ in ipsa gerit Natura, animum si advortimus sedulo (quod certe nullus non fidelis Medicus, quique se ὑπογράφει

τὴν φύσιν καὶ τὴν τέχνην, *ministerium cum Natura tum Artis cum Hippocrate proficitur* 1. Epid. 11.) Natura sibi Uretica subministranda, non Diuretica, plusquam luce meridiana clarius jubet, præcipit, mandat, imperat.

§ 209. Pro Ureticis sunt: ⁷² *Vrina libere fluit: quibusdam tamen, sed incertis intervallis, secundo vel tertio quandoque mense, adeo copiosam reddit urinam uno die, ut decuplo potum assumptum excedat.* Contra vero Sudorifica sunt: ⁷⁷ *Sudat rarissime, etiam post medicamenta ad hoc assumpta.*

§ 210. Persuademus nobis, injuriam nos facturos. DD^{nis} Archiatri, opere atque scientia illustrissimis, si dissimulemus, prorsus videri nobis, hac ipsa providentia esse ista ex assidua & officiosissima observatione adscripta. Voluere enim, quod & fecere egregie, instruere nos, & informare omni ad cognoscendum & curandum necessaria notitia: & hoc ipso monere, ut ne quidquam sine ⁸⁴ *accuratissima* consideratione prætermittamus.

§ 211. Quando itaque constat, Ureticis sive per urinas esse feri, quod redundat, amovendum: proximum est, ut videamus, ex qua Medicina, seu officina medica, sint capetenda ad usum: ex Diætetica videlicet, an Pharmaceutica: nam prostant in utraque. Hoc ut decernamus, duo iterum sunt expendenda ad trutinam rationis medicæ: hinc Utriusque materiæ natura: hinc Natura seu constitutio patientis.

§ 212. Hanc si primum consulimus (nam sic breviori veniemus ad intentionem) ⁶ *Temperamentum*:

tum frigidum & siccum, ³ Habitus corporis tener, ⁴ Venæ angustæ, ⁶⁶ Vita sedentaria, ⁵⁰ Intolerantia injuriarum aëris, ³³ Cibi parsimonia, ⁶⁶ Cerevisia hordeacea, ⁶¹ Vini quasi abstinētia, ⁷ Passiones melancholicæ, ¹⁴ Abortuum frequentia, tot sunt testes locupletes & jurati, SERENISSIMAM PRINCIPEM penuria in præsens virium, calidi, ignis laborare, sive ejus, quo & vita constat mortalibus, & anima utitur ad exsequendum omnia sua munia. De quo merentur, si quid aliud, inspicere, quæ Hippocrates habet in I. de Diæt. XIII. 145. sed apud ipsum.

§ 213. Jam vero, quid ubique locorum magis clamamus Medici, docti, indocti, quam Vires esse considerandas, & conservandas, imo confirmandas omni modo, loco, tempore?

§ 214. Quin ipse Hippocrates nos hortatur ἐνθυμέου & σώματος τὴν δυνάμιν, ad animum vocare id, quod corporis vis præstat, præstareve laborat. Etenim hoc Medicus, si non noverit, neque τὰς δυνάμεις ἑνῶν ἀφαιρέειν καὶ προστίθειν, vires singulorum, quæ valetudinis causâ vel exhiberi vel adhiberi debent, minuire vel augere noverit, ut est II. de Diæt. XVII. 344.

§ 215. Conservandæ autem extra controversiam sunt, ubi ex imbecillitate summum periculum est, ut Cel-sus ait III. 4. p.m. 118. l. 26. At ibi procul dubio est, ubi propter infirmitatem necessitas urget: III. 5. p. 127. l. 9. At heic urgere, quis dubitas, tot & tantis convictis testibus? An vero nulla infirmitas est, nisi extrema? seu quando velut abjectis clypeis æger prostratus

rus decumbit, & lecto affixus expectat, annon veniat ex Prophetis, qui dicat, Dispone domui tuæ: 11. Reg. xx. 1. Ies. xxxviii. 1.

§ 216. Confirmandas autem vires esse in morbis longis, quique gravibus per vices accessionibus impetunt, ratio dictat. Dictavit certe Cornelio nostro hoc: *Id agendum, ut, quod diu sustinendum est, corpus facile sustineat*: 111. 15. p. 145. l. 20. Etiam hoc: *In longis ager alendus maturius, ut sustinere spatium affectu-ri mali queat*: 111. 2. p. 114. l. 4. Eadem sunt & novissima verba Aph. 1. 10.

§ 217. De infirmitatis autem modo fortasse etiam certiores erunt Nobilissimi DDⁿⁱ Archiatri, siquidem, quod per omnia nostra officia rogamus obnixè, observare dignentur, tam sub paroxysmo, quam sub paroxysmum, num in SERENISSIMA PRINCIPE eveniat, quod idem Celsus annotat 111. 6. p. 129. l. 7: *Et plerumque satis sano corpore, si stomachus infirmus est, nonnumquam etiam incipiente febre, imo & quovis alio graviore paroxysmo, Venæ sive arteriarum pulsus subeunt obscurique fiunt, & quiescunt ac vicem unam, quin & alteram interdum intermittunt, ut imbecillus is videri possit, cui facile laturo gravis instat accessio*. Scilicet, hoc eo monemus, ut ne etiam de majore animum imbecillitate cogitatio subeat, quam revera sit, atque ea dux in Scillam sit cupientibus vitare Charibdin.

§ 218. His præmunitis accedamus ad Materiam eorum, quæ urinis promovendis reperiuntur tam in Cella, quam in Taberna medica.

§ 219. Medicamenta quod attinet, cujus ea debeant temperamenti esse, non convenit discipulis cum suo Præceptore. Præceptor ait l. de Affect. t. 1: τὰ διὰχωρητικὰ, ἑξυλὰ ἐστὶ, καὶ Φύσι θερμὰ. τὰ δὲ θερμὰ, ξηρὰ καὶ ψυχρὰ. *Diachoretica, succiplena sunt, & naturâ calida. Vretica vero, sicca & frigida.*

§ 220. Discipuli requirunt urinis ciendis, quæ sunt sicca quidem, sed calida & acriora & vehementer extenuantia. Sed non cogitant, cum opus vaporato est, tum conferre, quæ pituitosa & aquosa similiaque incidunt, attenuent, rarefaciant, hoc est, in subtiles particulas, & minutissimos globulos, & transire per inconspicua arteriarum cutanearum ostiola aptos, dividant & distrahant & digerant. Contra, cum mictu opus est, vaporosa sanguinis esse recolligenda & cogenda in fluorem. Nisi enim talia, saccari per renes & destillare in vesicam haut quita sunt.

§ 221. Si cui prior sententia tamen, non quia antiquior, sed receptior, placet, cum hoc jam audemus pedem struere, & pleno ore dicere, Non convenire SERENISSIMÆ PRINCIPI: nisi admodum exigua quantitate, & in cibis, & ex eorū genere, quæ Celsus enumerat lib. II. 31: & inter ea, quæ sunt tum condiendis cibis gratiora, tum & fovendis spiritibus potentiora. Rationes in præmissis propositæ evidentes sunt.

§ 222. Si cui posterior sententia vero, non quia antiquior, sed rationabilior, placet, iterum dicimus, Non convenire SERENISSIMÆ PRINCIPI. Ut alia, etsi forte non minoris momenti, non urgeamus; con-
tradi-

tradicit, & aperte, ⁶ Temperamentum. nam hoc frigidum & siccum est.

§ 223. Quando igitur non satis aridet Pharmaceutica merces, placetne pergamus ad Diatetices magistrum? Si placet. Heus, heus, Promiconde, ubi es? Quid placet Vestris Excellentiis? Nihilne in penu habes, quod SERENISSIMÆ PRINCIPI, cum magna Calidi nativi infirmitate & non exigua Sanguinis serositate, simul & Ventriculi (st! D. Collega, noli, non est hujus loci aut temporis. Eja! cur non addam?) debilitate luctanti sit & gratum sumtu & validum effectu contra tot infimul mala?

§ 224. Cornucopiæ, mei Domini: quia enim hoc mei est muneris, do gnaviter operam, ut ne umquam vel magnatium aliquis vel infimatum ad me frustra ventitet. Sed, mei Domini, placebit Vestris Excellentiis tantisper concedere in hanc aulaam, & confidere ac requiescere, dum propero promptum. Quin tu festines: neque enim nescis, quanti nobis sit tempus, & jam expectamur. Novi, & adero è vestigio.

§ 225. Quid, fodes D. Collega, credis allaturum? Forte aliquod Vinum. nam idiotis in labris natat illud Jud. ix. 13: *vinum exhilarat Deum & homines.* & illud Psalm. civ. 15: *vinum exhilarat cor hominis.* & illud 1. ad Timoth. v. 23: *sume aliquid vini propter ventriculum & multiplicem infirmitatem.* Vinum? tam abstemiæ?

§ 226. Jam adsum, mei Domini. Placetne vestris Excellentiis hoc γάρμα probare? *Εὐρήκα μὲν, Διγρήκα μὲν,*
I 2 D. Col-

D. Collega: degusta sis. Placent color, odor, sapor. sed in via aliquid. Ast tu cujum, Promiconde, genus? Factitii. Quin ipsum dicis: nam scis nos festinare. Marathrites: sed Foeniculatum nos vasis inscribimus, propter pueros.

§ 227. Quod vinum? Baccharacense hornum maturrimum. Quomodo factum? Ex præscripto Cassiani Bassi Γεγονικῶν VIII. I. Ostende librum: οἶνων ὑγιεινῶν σκιδασία. Οἶνων ὑγιεινῶν ἀρτυσις καὶ σκιδασία, διὰ φρεσὶ πάντη ἰωμυλῇ, καὶ πολλοὶ τῶν δεχαίων διὰ πείρας ἐπαγνέζον. ἐστὶ δὲ ἡ σκιδασία αὐτῶν ἔδεν φαρμακώδες ἔχουσι, ἀλλὰ ἀπλυστάτη· οἶον διὰ ῥόδου, ἢ ἀνήθε, ἢ ἀψινθίδος, ἢ γλήχωνος, καὶ τῶν ποικύων. δεῖ δὲ ἕκαστον τῶν εἰρημυλίων κέπειν, καὶ ἐνδεμεῖν πανίῳ, καὶ ἐμβάλλειν τῷ οἶνῳ.

§ 228. Quin tu ista mihi Latine potius: neque enim ignoras, quam mihi græca excolere totos dies πεισδύοντι non licuerit. Repeto ergo: *Vinorum salubrium confectio. Vinorum salubrium conditura & confectio diversa vitia sanat, quam multi veterum per experientiam collaudant. Est autem compositio ipsorum simplicissima, nihil medicamentarium habens; veluti ex rosis, aut anetho, absinthio, pulegio, & hujusmodi. Oportet autem unamquamque relatarum specierum contundere, & panniculo illigare, in vinumque immittere.*

§ 229. Satis, D. Collega: eamus. Salve, Promiconde: deliberabimus, & mittemus aliquem cum mandato. Exspectabo quid velitis jubeatis, mei honoratissimi Domini; en ecce obedientissimum servum vestrum, & salvete.

§ 230. Videbaris, D. Collega, dubii aliquid modo preme-

premere de Vino, quamvis laudares. Ita est. Placet ergo promere: licet enim nunc inter nos & libere conferre & sine interfectione consulere.

§ 231. Non ausim Vinum exhibere. Quid ni? Rogas? non succurrit, quod Vinum cum SERENISSIMA PRINCEPS bibit; 6^o *statim caput dolere sentit?* Memineram, & hoc exspectabam. Noli metuere: nihil est periculi. Imo hunc si scrupulum exemeris, jam tunc fatebor, ὅτι αὐτῇ ἡ ἰητρικὴ μάλιστ' ἔφύζιν ἐστίν· *quod hac medicina maxime secundum naturam sit*: I. de Flat. II. 21. Id equidem, nisi alte infideat, haut erit difficile, si forte molestum.

§ 232. Primo quidem non ignoras, quale SERENISSIMA PRINCEPS sumat. De Marathrite autem testatur Cassianus cap. 9: quod μαραθρίτης οἶνον ὀρεξίν κινεῖ, σμάχων ῥώννουσι, διαρηλκός ἐστι· *Vinum è fœniculo appetitum excitat, stomachum roborat, & urinam prolecat.*

§ 233. Quod, cum memoriam recolo, à Dioscoride est. Nam hunc memini de Selenite scribere in v. de Mat. med. 74: ὅτι πικρὸν ὀρεξίν, καὶ σμαχικαῖς ἀρμόζει, καὶ δυσρεξίν· ἐστὶ καὶ σπινθὴς· *quod Cibi appetitum facit, & stomachicis ac difficulter meientibus auxiliatur: atque etiam halitum commendat*: & statim proximo capite, ad eadem efficax parari etiam è Fœniculo. Cujus etiam succo Hippocrates tribuit vim urinæ movendæ, II. de Diæt. XIV. 294.

§ 234. Vinum ipsum si æstimamus, album est, hornum est, odoratum est. Tale vero non potest non convenire SERENISSIMÆ PRINCIPI, si audimus Hippocratem nostrum. Ita enim loquitur jam lau-

dato libro t. XIII. 229: οἱ ἢ λῶσι καὶ νέοι μᾶλλον τ' οἰ-
 νων ἀχχωρέσαι, διότι ἐγχεύω τ' γλυκέειν, ἔπειτα, ἔπειτα
 μοι. καὶ οἱ ὄζοντες τ' ἀνόσμων τ' αὐτῆς ἡλικίης, διότι ἀπεπεί-
 σεροι εἰσι. ἔπειτα οἱ παχέες τ' λεπτοὶ. *Alba autem & nova*
vina præ omnibus magis secedunt, quod propiora musto
sunt, atque etiam alunt. Quas dotes itidem odorata præ
inodoris ejusdem ætatis habent, quoniam magis concocta
[an, facilioris concoctionis? utramvis enim interpre-
tationem & verbum & rei natura patiuntur.] sunt.
Tum & crassa præ tenuibus.

§ 235. Quibus si addimus, nihilæque Spiritibus vi-
 talibus facere reficiendis (solo enim odoratu defi-
 cientes revocamus) quid amplius volumus?

§ 236. Urit etiamnum scrupulus iste. Profecto
 non credebam hæere. Ergo iterum audi Hippocra-
 tem π. πινῶν textu, apud Cornarium aut Marinel-
 lum, ult. in finē: οἷν τ' καὶ μέλι καλῶς κεκεῖται ἐν αἰσθη-
 τικῇ, ὡς πρὸς φύσιν καὶ ὑγιαίνει καὶ ἀδενέει σὺν κακῶ
 καὶ μετερίῳτι πρὸς φέρειν. καὶ ἀγαθὰ μὲν αὐτὰ ἐφ' ἐωυλῶν.
 ἀγαθὰ ἢ καὶ συμμιγνόμενα, πᾶσι τε ἀλλὰ, καὶ ὅσοι γε καὶ ἀξίω
 λόγου ὠφελεῖν παρέχεται. ὅσοι ἢ ὑγιαίνει καὶ ὑμφορεῖ, πᾶσι
 καὶ νοσέει πρὸς φερόμενα, ἰσχυρότερα ἐστὶ. καὶ δι' αὐτῶν ἀφαι-
 ρέοντα τὴν ἀκμὴν δίδοναι, ἢ & φέρει αὐτὰ τὸ σῶμα. ἀλλὰ
 τε μᾶλλον βλάπτει, ἢ ὠφελεῖ.

§ 237. Quæ cum latinis sic commutabamus: Vi-
 num & mel optima habita sunt hominibus, siquidem con-
 venienter natura & sanis & infirmis opportune atque
 modice offerantur. Et ipsa quidem ex se ipsis sunt bona.
 Sed & bona sunt mixta cum aliis, tum quibuscumque,
 tum imprimis quæ singularem præstare utilitatem apta
 nata

nata sunt. Quæ autem cunque sanis conducunt, eadem etiam efficacia sunt oblata egrotantibus. Sed detrahære de potentia oportet, atque ita dare; nisi ea ferat corpus integra: alioqui magis obsunt, aut profunt.

§ 238. Summa est:

Lege, modo, ratione valent data vina: nocetque

Tempore non apto quæ medicina datur.

Jam hoc artis est, considerare & facere, ὡς δὲ καὶ ὡς δὲ καὶ οἷα καὶ ὅπῃ καὶ ὅτε καὶ ὅσον δὲ. quorum oportet, & ut oportet, & qualia, & quomodo, & quando, & quantum oportet. VI. Epid. II. 25. quid videtur?

§ 239. Nondum satisfecisti: Ergone extorqueris, quod premere erat fatius? Persuasio facit. Nam is mos melancholicorum: omnia tuta timere. At hæccine persuasio est, quod sensu sentias? Non nego, id doloris SERENISSIMAM PRINCIPEM in se experiri: sed, à Vino esse.

§ 240. Nisi forte idcirco fit, quod nimis parum sumit. Namque, quod non est satis, velut hibernus Sol fudo die, tollere vapores potest, digerere non potest. Hoc ipsum tamen est incertum. Numquamne, si siccum prandium est, idem obtingit SERENISSIMÆ PRINCIPI? Satin' certum est, non esse ex aliqua prophasi non animadversa?

§ 241. Sed esto: fit à Vino. Desuetudo facit. Namque bibere non solitis, si vel modicum gustent, utcumque feriuntur. Talibus quippe Vinum, non alimentum, sed medicina est. Sunt, οἷον οἷν τοφῆ, καὶ οἷν καὶ τοφῆ: quibus vinum alimentum est, & quibus non est: I. de Alim. VIII. 18.

§ 242. Ali-

§ 242. Alimentum est fenibus : ætate, aut constitutione, aut morbo. Non est adolescentibus & his, quibus modus caloris esse humidior & calidus ac validus debet : ut neque iis, quibus siccus est præter naturam vel ætatem : ut neque insuetis sumere. His revera medicamentum est. Commovet enim. Atque hoc est medicamenti.

§ 243. Hippocrates l. de Loc. in hom. LIV. πάντα φάρμακά εἰσι μετακινέοντα τὸ παρὲν. πάντα ᾗ τὸ ἰσχυρότερον μετακινέει. *Medicamenta sunt quæcumque id, quod præsens est, dimovent : quasi de suo statu in alium. Ita vero movent quæcumque validiora sunt, præut superari ab humana natura possint.* Ita enim ipse se explicat l. de Vet. med. XXIV. 76. Quantas turbas ciet Tabacum, quibus primum ducitur in usum ? At quam, etiam brevi, fit familiaris Venenata herba cui non naturæ ?

§ 244. Ergone Vinum, vinum, tam nobile, tam jucundum, tam vitale medicamentum rejectabimus, quia forte ad exiguum temporis dierum aliquo modo afficit ? Quin hoc sit argumento, medicinam esse. Et qualis ? Qua aliud in rerum natura non est reperire generosius in conservanda & confirmanda ea Virtute corporis, quæ πάντα αὐξάνει, καὶ τρέφει, καὶ βλάπτει. *omnia auget, & nutrit, & progignit :* l. de Alim. XIII. 34.

§ 245. Unde & certa spes fore, ut, quidquid est ejus molestiæ, quod SERENISSIMA PRINCEPS percipit à Vini usu, dispereat cum usu. Quemadmodum coram Sole oriente non consistit nebula roris æstivi :

ita

ita cispelletur coram Calido aucto iste inofficiosus profecto flatus: si modo Flatus est, qui non didicit tantum Caput reverentius habere. Quemadmodum vero, istâ discussâ & consumta nebula, serenior illucet dies: sic erit, ut oriatur SERENISSIMÆ PRINCIPIS velut novum Sanitatis jubar, atque illucescat ille dies, quo nolit amplius egere medico.

§ 246. *Millia hominum sine medico degunt, quamquam non sine medicina*, scribit Plinius procem. lib. xxix. Principes sæpe miror, qui, cum in plurimis sibi imitandum Tiberium, non etiam in valetudinis cura proponunt. De eo Tacitus Annal. vi. 114. l. *solutus eludere medicorum artes, atque eos, qui post tricesimum annum ad internoscenda corpori suo utilia vel noxia, alieni consilii indigerent.* Meminit etiam Suetonius cap. 68.

§ 247. Plutarchus insuper tanti habuit, ut, quamvis notet, tamen inferuerit Præceptis de Valetudine p. m. 136. E. quæ utinam SERENISSIMA PRINCEPS legat & intelligat! Profecto sit ita, Principum eam esse sortem, ut præcipua rerum necesse habeant ad famam dirigere: tamen & hoc debebant è suo Consiliario scire, *Mortalibus in eo stare consilia, quid sibi conducere putent*: Annal. iv. 107.

§ 248. Ceterum ista, quum forte licentius videbar facere, spes illis nititur potestatum naturalium, quibus præditum audivimus Marathrites, eo è vino confectum, quod & egregie convenire intelleximus. Rationes, si contrahas, ad duas veniunt. Marathrites idcirco SERENISSIMÆ PRINCIPIS suademus,

quoniam aptum natum factumque est, hinc Seri copiam mictu minuere, hinc Spiritus inopiam accessu augere.

§ 249. Verumenimvero, hætenus non eo contendimus, ut in illo uno ostendamus spes omnes esse salutis. Restat enim ipsa adhuc radix Malorum, sive utriusque jam toties nominati morbi, & quæ nascuntur ab illis. Itaque etiam ad eam, propitio Numine, excisum pertendamus.

§ 250. Atoniam ventriculi supra dicebamus consistere in duplici defectu: Calidi, sive ignis necessarii ad chilificandum; & Toni, sive roboris necessarii ad amplexandum id, quod est alendi causa assumptum. Prior ab eo defectus est, quod neque satis ignis neque satis validus influat à Corde: qui etiam apud Galenum fons est ejus caloris, quæ *causa est omnium in corpore actionum*, in VI. Epid. v. 5. D. F. & IV. 14. B. & in specie *concoctionis alimenti*, Fac. nat. II. 9.

§ 251. Hæc ergo indicatur Medico, satagendum esse, ut Ignis iste successione commoda fiat luculentior, alacrior, vitalior. Quod tum fiet, quum ligna super foco large reponet. Sed quæ? Modo dicemus, ubi & posterioris defectus Indicationem proposuerimus.

§ 252. Defectum hunc flacciditatem nominamus medici. Est autem Tunicarum ventriculi laxitas ab nimia humiditate. Hæc est à Serositate sanguinis. De qua tam multis diximus, ut sane non semel fuerim in metu, objectum iri, si non illud, Apud Hannibalem; certe illud, Manum nescit. Sed dixi, & habeo

habeo etiam plures, accurationis causas. Humiditas ista indicat resiccationem debitam: Laxitas autem, adstrictionem moderatam. Ut jam cupientem invenire Auxilium ventriculo languido, oporteat intueri in hosce Scopos: recalcificationem, resiccationem, restrictionem.

§ 253. Ad quæ idoneam paratum Materiam eunti sese quædam difficultas, non ex Historia proposita, sed Observatione quotidiana objicit. Nempe docet hæc, ubi infirmior Ventriculus officio non facit satis, colligi plerumque pituitosam cruditatem, neque certe contemnendam, cum adest.

§ 254. Fatemur, de ea nihil nobis, nisi tenue quid ex relatione liquere: quin potius invenire in frugalitate victus argumentum credendi, Nullam subesse. At quoniam mihi tam per multiplicem experientiam compertum, quam per rationem non unum certum est, eam Cruditatem raro non subesse languenti stomacho, & interdum etiam post purgationes vel institutas, si non subito, certe non ita longo post subnasci, vel etiam repetitas antegenitam superesse: idcirco cum omni submissione rogo Excellentissimos DD^{nos} Archiatros in eam inquirere. Nam si est, & ante non auferatur, frustra omnis curatio erit.

§ 255. Pone: esse. Quia redire ad frugem non potest, quia concoqui non potest, quia toto genere præter naturam est, quia præsens male coquendi causa est: omnino evocanda est, & primo quoque die curationis. Quomodo? Heic hæreo, mecum-

que, fateor, vehementer & ad sudorem usque luctor, utrumne ex Vulgari debeam, an Veterum praxi respondere. Si ex ista velim, certe obsequio, non tam amicos mihi, quam huic favorem consilio conciliabo forte majorem. Sin ex illa velim, non possum effugere, quin veritatem, quamvis ex sana ratione, ex innumeris experimentis, ex sincera conscientia profitenti sese objiciant responsiones multæ, dubitationes splendidæ, cavillationes odiosæ, detractiones invidiosæ, & quid non adversitatum?

§ 256. Hodie enim (animi quod exprimit sinu summus dolor) res medicinæ eum venire in locum, ut hæc demum extrema hæresis sit, Hippocraticam, illam genuinam omnibusque absolutam numeris & inconcussis suffultam rationibus, Medicinam profiteri & facere. Atque utinam hoc seculum non usque adeo abhorreret à Vomitivis, medice, hoc est, ratione & experientia datis! Auderem me sponforem, imo vadem, imo obsidem dare pro multorum salute. Certe plures non ita traherentur à suis vel Morbis vel Medicis: absit invidia dicto!

§ 257. De cujus subsidii deliberatione, quia res incerta est, supersedeo ulterius dicere: cum hac sponsione tamen, si istud Indicans adest, & de Indicato sollicitudo, quoscumque etiam, habet, me paratum fore, ad probandum SERENISSIMÆ PRINCIPIS & Excellentissimis DD^{nis} Archiatris ejus, meam obedientiam, atque diligentiam, atque studium, quo me teneri sentio ad omne id, quod spectat gloriam Dei, & prosperitatem Ecclesiæ, cujus SERENISSI-

MAM PRINCIPEM novimus & colimus ceu præcipuam firmamque columnam; & communem hominum salutem.

§ 258. Superata difficultate, quam gaudebo si temere movi; dispiciamus nunc, Cui mandare confectionem medicinæ oporteat, qua opus est ad præstandam opem, quam trinæ Indicationes istæ, pridie ex ipsa Affectus affectæque partis natura erutæ, requirunt.

§ 259. Quid videtur ergo, cui, heic quod recte curatum volumus, mandatum imus? Archimagiro, an Medicamentario aulico? Me, omnino volo utrumque amicum. Et quare non admittamus utrumque in partem laudis, quam, benedicente Summo animarum corporumque Medico, speramus ex valetudine SERENISSIMÆ PRINCIPI restituta? præsertim, cum neuter unus sufficere necessaria queat omnia nobis? Eadem & mihi mens.

§ 260. Sed solent fere ingratiора esse, saltem haberi, quæ Medicamentarius parat. Recte dicis, haberi: nam quod eorum, quibus fere demimus aliquam materiam, pleraque sint fastidiosa, & horridula, & in movendo ἐργώδεα, sive laborum & dolorum & fatigationum, tot molestiarum plena; idcirco est, quod ejusdem farinæ credantur, quibus adjicimus corpori.

§ 261. Accedit, quod hoc genus infrequentius utimur, ideoque minus sunt in vulgo cognita. Priora vero summâ Creator providentiâ fecit talia. Scilicet, ut experti eorum ingratitude homines

discant abstinere à cupiditatum illecebris, nec niti in vetitum semper, & velle negata. Ut itaque etiam Medicamentarii & honori & commodis consulemus, quid videtur de alterutra, quas ecce ! formula.

§ 262. M O R S E L L I.

R̄. Conf. Rosar. rub. modice ab olei Sulph. q. s. acidæ,
Menthæ crispæ,

Melissæ, ana Unc. semis.

Spec. recent. Diarrhodon Abbat. Drachm. duas.

Cordialium temperat.

Diamargariton frigid.

è Gemmis frig. ana Scrup. duos.

Conf. Alcherimæ fine molcho,

Troch. è Berberi, ana Drachm. unam.

Trageæ è Cinamomo Unc. tres.

Magist. veri Margarit. oriental.

Corallor. rubr. ana Scrup. unum.

Salis prunellæ albiss. Drach. semis.

Olei still. Rosarum gutt. sex.

Sacchari albissimi, in Aqua Cordiali temperata

soluti, Unc. octo.

M. f. f. a. Morfelli pondere duarum drachmarum.

Deaurentur & dentur in vitro probe tecto.

§ 263. T R A G E A è Cinamomo.

R̄. Sacchari cantialbi & subtiliss. pulverati Unc. octo.

Salis è Cinamomo per propriam aquam extracti & candidiss. Drach. duas.

Olei stillat. è Cinnamomo Scrup. duos & semis.

M. f. Tragea. Servetur reliquum in vitreo bene aperto, ad sequentem, si opus usum.

§ 264. CON-

§ 264. C O N D I T U M.

℞ Rad. cond. Cichorei, Unc. unam.
 Scorzonera, Unc. semis.

Cort. Arantior. cond. Drach. duas.

Conf. Absinthii Romani.

Menthæ crispæ,

Melissæ, ana Unc. semis.

Rosar. rubr. acidæ, Drach. sex.

Carnis Cydoneor. cond.

Conf. Hyacinthorum, an. Drach. duas.

Alchermes sine moscho Drach. unam.

Magist. veri Margarit. trient.

Corallor. rubr. ana Scrup. semis.

Sir. è Cinamomo q. f.

M. f. Conditum.

§ 265. Quei placent? Non possunt non ulli placere. Nam & omnibus satisfaciunt Indicationibus, & nihil habent, quod vel delicatissimum os vel stomachus respuere fastidiosissimus jure queat. Atque utinam sic placeant SERENISSIMÆ PRINCIPI!

§ 266. Sed utendi quis modus? Ego quidem alias præscripsi Illustribus personis, & (Deo sint gratiæ & laudes, quas dicere corde possum, maximæ) semper successu prospero. Rogabam autem sumere mane jejunos, deinde pransos, denique cœnatos: & quidem alterutrius, Conditi aut Morfellorum, duas præterpropter drachmas, iisque sumtis Stomachum, ut mos est loqui, claudere, neque quidquam vel potus superbibere. inprimis vero, continuare in usu. Est enim hæc ex eo genere medicinæ, de quibus
 Cæl.

Cæl. Aurelianus Tardar. IV. 3: *Nec recte culpanda virtus est, quæ una vice non dederit sanitatem, cum plenam fecerit futura perfectionis fidem, perseverationem sui persuadens.*

§ 267. Verumenimvero, quamquam suis abunde partibus defungi quodvis eorum queat, quæ apud Medicamentarium præscripsimus: attamen optatum ad finem se solis nequeunt perducere. Quin frustra hactenus sumus, si non etiam Archimagiro præcepta dentur de cibo & potu.

§ 268. In Cibis attendi ad materiam pariter & formam debet. Materia sit omnis res stomacho aptissima. Aptissima autem est, quæ præter multum & facile alendi facultatem, etiam simul idonea est præstando ea, quæ à languente stomacho requiri monstrabamus. De qua amplius apud Practicos exercitatissimos dicere, esset Noctuas Athenas.

§ 269. Putamus tamen non prætermittenda, quæ huc egregie faciunt, & leguntur l. de Affect. t. XLIV: *πὰ σιτία καὶ πὰ ὄψα σκευάζειν καὶ δίδοναι τοῖσιν ἀδυνάτοις, ὅφ' ὧν μήτε φύσαι ἔσται, μήτε ὀξυρεγμῆ, μήτε σρόφθῃ, μήτε λίλω ἀλγυχωρέει, μήτε λίλω ξηραίνεται. Cibos atque absonia parare & dare infirmis oportet ejuscemodi, à quibus neque flatu fiat, neque acidus ructus, neque tormen, neque valde secedat, neque valde siccetur.*

§ 270. Formam quod attinet, existimamus heic Cibus optimum cibum simplicissimum esse. Simplicissimum vero, qui & minime in eadem mensa varius est, & Naturæ hominum convenientissimus. Convenire autem maxime, quem Natura paravit.

Quam

Quam certum est, omne genus medicinarum etiam alimentis inferuisse. Quod & ipsum ab Hippocrate notatum est loco, quem modo indicavimus. ἐχέει ἕκαστε τῶν ἐδεσμάτων, διότι ὠφελεῖ καὶ βλάπτει. *Habet unaquaeque esca, quo prodest vel obstat.*

§ 271. Naturales autem dotes alimentorum si quis incrustare nescio quibus gulæ irritamentis, si adulterare excogitatis operose aromatum mixturis, aut aliter fucare prætextu sanitatis velit, nã ille ignorare videtur id, quod ex vero Hippocrates l. de Vet. med. xxiv. 76: τὸ κρέασον τὸ φύσις τὸ αἰθρωπίνης, ἔμῃ ἡδυνάτο κρατέειν, τὸ βλάπτει τε καὶ ἀφελείν δέει. ἰσχυρότατον δὲ ἐστὶν ἔμῃ γλυκέος τὸ γλυκύτατον, ἔμῃ ὀξύτατον δὲ ἐστὶν ἔμῃ πικρῷ τὸ πικρότατον ἢ ἀκμή. *Quod est potentius, prout à natura humana quitum sit superari, id laedit & vitare oportet. Validissimum vero inter dulcia dulcissimum, acida acidissimum est: sic & quod unoquoque in genere summum est.*

§ 272. Pars altera formæ à Coctura est. De hac iterum suggero ex Hippocratis l. de Alim. x. 23: Σιτίον νέοισιν ἀκροσσιπέειν. γέρας δὲ ἐς τέλος μετέβελη μύρον. ἀκμάζουσιν ἀμετέβελον. *Cibus sit junioribus quasi coctus: Senibus perfecte mitigatus: Vigentibus inalteratus.*

§ 273. Cujus præcepti ratio constare potest ex Aph. i. 14. Quibus & stomachus & calor sunt infirmi, senili constitutione esse, jamante diximus. Neque enim refert, ætate quis senex sit, an morbo videatur. Circa hanc rem cura interim esse debet, ut ne coquendo alebris ciborum succus amittatur.

§ 274. Quod ad potum, videndum, annon ex re

SERENISSIMÆ PRINCIPIS sit futurum, si Bira etiam Tritici aliquantum habeat. Sunt enim *πυροί, ιαυροτέροι, κριθῶν, καὶ προφιμώτεροι*: l. II. de Diæt. VII. 76. Quod ⁷⁷ *claram* bibat, laudandum fane. Ut &, quod ⁷⁹ *lupulatam*, five cum Salictario incoctam lupo.

§ 275. De qualitate fatis. Ad quantitatem. De hac historia: ⁸¹ *Cibos fere semper parce jam assumit & cum delectu*. Hoc institutum nemo bonus non laudet. Neque enim aliud est ad sanitatem commodius Hippocrates l. de Affect. XLIV: *ἐς ὑγείαν ἀρεστὴ, ὅταν ὀλίγηται ἐσιόντα, αὐτὰρ κεν ἐστὶ, καὶ λιμὲ καὶ δίψης ἀντὶ τῆς*. Ad sanitatem optima, quæ parcissime sumit a sufficiunt, ut sint famis & sitis remedium.

§ 276. Hoc respicit ad id, quod dixit l. de Flat. II. 24. Dicit ad sanitatem: quia dixerat l. de Alim. VII. 19: *τρέφεῖ πλεονὲς αὐξήσιν, καὶ ἐς τὸ εἶναι πλεονόν, οἷον γέροντες: τὰ δὲ παρὰ τῶν καὶ ἐς πρῶτον. Nutriuntur alii ut crescant & sint: alii tantum ut sint, sicut senes: alii denique propter utrumque & robur simul.*

§ 277. Videlicet omnis nutrimenti appositio est *ἐς τὴν αὐξήσιν, καὶ ἐς τὸ ἰσχυρὸν, καὶ ἐς τὴν ὑγείαν*. ad augmentum, vel ad robur, vel ad sanitatem: l. de Affect. T. LII. Itaque si SERENISSIMA PRINCEPS tantum sumit cibi, quantum conducit sanitati, nec amplius, procul dubio videri debet & recte facere & ex consilio.

§ 278. Cæterum hoc nobis cum bona venia liceat seu consilium seu institutum vocare ad examen, & producere in medium cogitationes, quas pro SERENISSIMÆ PRINCIPIS valetudine lubentes atque ex officio suscepimus. Principio ergo didicimus à Præceptore

ceptore nostro : quod sit μέγα τὸ πῶς ὁ δόχως ἐς δυνάμιν ἑωαρμωμένον : *magnum quid Quantitas EXACTE ad vires accommodata* : l. de Alim. IX. 19.

§ 279. Quod definire, quia vix est humanæ solertia, idcirco Præceptor præcipit Præceptionum XI. 134: *Ἑωσπερ λυγρῆς Διάντης μὴ μακρὸν ἐγχαίρειν*. *Adstricta diata ne diu insistas*. Cur non? Quoniam ἔκδημον ὁ χρόνιος Πηθιμύλλω αἰσθησι : *agrotum longa* (hoc est, perniciofa, ut Virgilio *Aeneid. I. 753.*) *concupiscentia accendit*. Namque

Nitimur in vetitum semper, cupimusque negata.

§ 280. Et propter hanc etiam causam dixit Aph. I. 5: *In tenui victu delinquant agri: & ob id magis laeduntur*. Quicumque enim error committitur, major in tenui fit, quam in paulo pleniore victu. Propterea etiam Sanis periculosus est valde tenuis, & status ac exquisitus victus: quoniam errores gravius ferunt. Hac igitur de causa tenuis & exquisitus victus eo, qui sit paulo plenior, maxima ex parte periculosior.

§ 281. Sed potior, quare lædantur, ratio est, quam Theophilus dat in com. ὅτι δὲ πάλαι γὰρ ἐστὶν ἐκ τῆς ἀστίας: *quia deficiunt ex inedia*. Tum quia, si occulte peccent, τὸ ἐνὶ θυμῷ τῆς ποταμῆς τοῦ φησὶν Φύλλης μετὰ πεινῆς: *novitate talis cibi* (quem scilicet cupiditas persuadet) *natura turbatur*.

§ 282. Sed esto: nihil sit ab his periculi in SERENISSIMA PRINCIPE, quæ cupiditatibus discunt, quam populo, prius imperare; & quod licet, velle; non, quod libet. Tamen isti præcisa diatæ non debet adstringi. Non, quia miserrimum sit Principi,

se in servitutem dare medico. Hoc enim videri necessitatis potest, & à vi maiore. Verum, quoniam ea est SERENISSIMA PRINCEPS ætate, qua necdum credimus posuisse spem faciendi suum & Dominum & populum multa prole beatum.

§ 283. *Ætatis quippe annum primum & tricesimum agit.* Annon hæc est illa ἀκμή ηλικίας, ille vigor & pars optima vitæ, quam Hippocrates merito ait πάντα ἐχόντων ἡλικία, omnia habere gratiosa? Præcept. XI. 140. Huic certe, si aliquid ætati, concedendum est. Ubi vero id præcipit Dictator? Ubi considerandum monet, semel an bis, plura an pauciora sint offerenda: Aph. I. 17. Ubi, quid est δίδοναι concedere, si non est, bis & plura potius, quam semel aut pauciora?

§ 284. Hippocrates l. de Aëre, aq. & loc. XLIV. 141; Scythicam gentem minus dicit fecundam esse, propterea quod degant in frigidis & humidis locis. Quali cum SERENISSIMÆ PRINCIPIS sit corporis constitutio, videtur suæ naturæ debere, quod ¹⁴ sex abortibus afflictæ sit.

§ 285. De qua re nunc non contendemus. Quamquam ita si semper habita fuit, ut nunc habetur, facile αἰτία & causam inveniremus ex nobili decisione, qua Celsus quæstionem, An gravidæ mitterendus sanguis? terminavit lib. II. 10. p. 78. l. II. *Præcipua*, ait, *in hoc ars est, quæ vires æstimet, & ex eo colligat, possit nec ne superesse, quod in una muliere duo corpora simul sustineat.* Quæ parce victitat, cui sanguinis in penu nisi modicum non est, quodque agre sufficit uni, id sufficiat duobus?

§ 286. Quam

§ 286. Quam parum sanguinis SERENISSIMÆ PRINCIPI superfit, menses loquuntur. Quorum ut paucitas, ita & bonitas, aperte contradicunt parcitati diætæ, & negant congruere ei, cui opus est robore. Robore autem esse opus, ad marem inprimis & concipiendum feliciter, & gestandum fortiter, & pariendum prosperiter, plurimis docet meus Præceptor locis. Ceterum quia hæc res est omnibus nota satis, istis producendis desisto: quo ne universa ipsius scriinia videar una vice velle compilare.

§ 287. Atqui, dicat aliquis, à natura sunt Non-temperies ista & Penuria sanguinis. Nolumus controvertere. Respondebit enim Hippocrates in Præc. IX. 98: *ὡς μὲν τις ἐκ γενεῆς ἢ ἀπὸ δέχνης ἔλλαγμα ἢ, παρὰ τὴν ἑξομοιωτὴν τῇ ὑποκειμένη. ὥστε γὰρ φύσιν τὸ μιν ὑγιαίνει. Σὲ αὖτε ἐκ τῆς ἀνατροφῆς ἢ ἐκ τῆς ἀνατροφῆς.* *Si cui inde à nativitate vel incunabulis defectus quis adfit, conandum est, ut is emendatione artificiosa assimiletur natura supposita. Præter naturam quippe est illud pusillum.*

§ 288. Atqui tuus diserte I. de Diæt. XL. 344: *Φύσιν μεταλλάττειν ἀφανέα ἐστὶν οἷόν τε: Naturam transformare occultam haut possibile.* Rectissime: nam loquitur de Structura nativa, & interiore, & partium interiorum. Nam in externis quid studium & consuetudo queant, Macrocephalorum prorsus admirabilis historia ostendit: quæ est I. de Aëre, aq. & loc. XXXV. 129.

§ 289. Quoties autem, quod ad temperamentum & habitum corporis, non occurrit videre, ut, qui natura erat fervidus, exsuccus, macilentus, niger, talis

ex ardente febre rite curatus & se resumens fiat speciosus, coloratus, plenus, bene habitus, obesus? Me id vidisse non semel, & in ipsa Matre b. m. meam, si ita vultis jubetis, interpono fidem.

§ 290. *Ætas certe SERENISSIMÆ PRINCIPIS facit, ut nihil heic desperandum putemus. Et vos, mei & mihi honoratissimi Domini, quid tentasse nocebit? Mutatio ipsa & grata Naturæ erit, & tuta, ὡς ἀγαθὸν ἔσθιεν, si tempore fiat.*

§ 291. Quoto non cuique illud esse in ore & experimento solet, quod est l. de Aere, aq. & loc. xxxix. 132? αἱ γὰρ μεταβολαὶ εἰς τὸ πάντων, αἱ τε ἐγείρουσι τὸ νόσηλον & ἀνθρώπων, καὶ οὐκ ἔωσι ἀτρεμεῖν. *Mutationes sunt in omnibus, quæ & excitant mentem hominis, & non sinunt torpere.*

§ 292. Quis autem magis excitato habet opus, quam quæ? *melancholicis & spleneticis passionibus valde est obnoxia?* At quæ cura animum sollicitat magis, quam cura corporis, eaque perpetua? Semper qui volunt curari, numquam curantur! Novimus, quibus nihil ad sanitatem deest, nisi quod se sanos non credunt.

§ 293. Qui quæstui serviunt (pudendum genus, carcinoma ordinis) quoniam is major ex persuasione morbi, quam morbo est, sui interesse non putant, tam amaram radicem eruncare.

§ 294. Erectior mens, quibus suprema lex, Salus hominum. Hi, ut jurant, ita præstant. Εἰς δικίας οἰκίας εἰσίνουσιν, ἐσέρχοντο ἐπ' ὠφελείῃ καμνόντων. *In quâscunque domos ingrediuntur, intrant propter utilitatem*
agrotan-

agrotantium : Jusj. 11. 29. Ideoque semper student γνώμη μᾶλλον ἢ πόλμη, καὶ ῥασιώνη μᾶλλον ἢ βίη *τῆς περὶ Διων. ratione magis quam experientia*, (nam hæc audax, ubi sola est,) & *facilitate magis quam violentia mederi*: l. de Arte xx. 95.

§ 295. Erectior longe mens, quibus demandari Principum salus solet. Hi, ut norunt, in hoc Capite includi omnium fortunas, ita pro eo nocte dieque excubantes satagunt, ut neque in secunda valetudine rigide, neque in adversa habeantur laxæ.

§ 296. Non certe rigide. Nam hoc & noxium est, & indecorum. Noxium hoc enim est in secunda valetudine, adversæ præsidia consumere. Quod verat Celsus lib. I. cap. I. p. 21. l. 23. *Indecorum* : nam si uspiam, certe apud Principem oportet, μὴ λίλω ἀπανθρωπίλω εἰσάγειν, ἀλλ' ὀποβλέπειν ἐς τε περὶ εὐσίλω καὶ εὐσίλω. *non admodum se severum præbere, sed respicere ad dignitatem & personam* : Præc. IV. 45. Certe, quem Jurisconsulti solvunt voluntatis & æquitatis : suis Medici legibus, quibus nihil est Naturæ vel asperius vel adversius, subdere non debebant.

§ 297. Sed neque sub periculo laxæ. Nam minimum. *ἑυγχαρῆς, ἐγγχεσόνῃ vsqz. indulgentia, nutrix morbi est* : Præc. XI. 136.

§ 298. Porro, utut αἱ μεταβολαὶ ὠφελέεςιν, ὡς ἐς βελτίονα μεταβάλλη, *mutationes profint, si ad meliora fiant*, 11. Epid. 11. initio: subito mutanda diætæ non est. Neque enim convenit; juxta in diem protinus satietatem esse, ut ex Aph. 11. 51. Celsus 11. 16. p. 92. l. 19. Qui venuste lib. 111. 4. p. 118. l. 19. de Asclepiade,

piade, celebri medico: *ulterioribus quidem diebus cubantis etiam luxuria subscripsit: primis vero tortoris vicem exhibuit.*

§ 299. Hippocrates l. de Affect. t. XLII: *ὁρέται ἡ σιτίων ἡ ποτῶν προσληθῆναι ἀρχή, καὶ ὀλίγον χρόνον πρὸς τῆς προσδέξιας ποιέεσθαι. Quum animus est cibis potibusque adjuvare, paulatim oportet apponere. Quoniam τὸ καὶ ὀλίγον, ἀσφαλές: paulatinum, tutum: Aph. II. 51.*

§ 300. Neque vero ipsam hujus rei aggressionem diffitemur habituram quid molestiæ. Verumenimvero, ita experimur in corpore, ut in populo, succedere. De hoc Tacitus Annal. IV. 26: *Primas dominandi spes in arduo, ubi sis ingressus, adesse studia & ministros: extracta jam sponte præfecti castra, datos in manum milites.*

§ 301. Par consuetorum longo tempore ratio. Relicta enim, καὶ ἡ χεῖρα, τὸ ἀσυνήθων ἥσαν ἐνοχλεῖν εἴωθε: *etiamsi deteriora sint, insuetis minus molestare solent: Aph. II. 50.*

§ 302. Tamen, si non conducunt, mutatio facienda. Hippocrates l. de Nat. hom. XVIII: *δηλον ὅτι οἱ γε χρόνος εἴωθεν ὁ αἰθρῶπιος ἀλατῆρας, οὐκ ὀπιτήδεια οἱ εἰσιν, ἡ πάντα, ἡ τὰ πλείω, ἡ ἐν γε τοῖς αὐτέων, δεῖ κατὰ μακρόντα μεταβάλλειν, καὶ σκεψάμενον τὸ αἰθρῶπιον τὸ φύσιν, τὴν τε ἡλικίαν, καὶ τὸ εἶδος, καὶ τὸ ὄρεον τὸ ἔτεον, καὶ τὸ νέσον τὸ τέσον, τὸ πρεσβεῖον ποιέεσθαι. Manifestum, quod, si qua dieta uti consuevit homo, quæ ipsi non convenit, seu in totum, seu ex parte, aut in aliquo omnium, oporteat hoc rescipientem mutare, & curationem facere cum respectu ad hominis naturam, & ætatem, &*
pro-

proprietaem, & tempestatem anni, denique speciem morbi.

§ 303. Tentanti autem, quantumvis res videatur inter initia difficilior, & molestior; tamen pergenti, & brevi, facilis sit atque jucunda. Natura enim, cum primum se sentit vegetari, mox omnes partes facit conspirare in suum obsequium & hoc, quod ipsa agit, negotium promovendum. Exemplo sunt convalescentes à morbo.

§ 304. Modum denique faciendæ mutationis vix est nostrum præscribere, qui sumus absentes, nec ignari, quantum sit vel in hac aut illa circumstantia situm; quantum & in captanda occasione. Quo ne tamen heic desimus, subjicimus Prudentissimorum DD. Archiattrorum sapienti ruminatiõni consilium Celsi, quod est lib. I. cap. 3. p. 28. l. 12.

§ 305. *Implet autem corpus, ait, modica exercitatio, frequentior quies, unctio, & si post prandium est, balneum, contracta alvus, modicum frigus hieme, somnus & plenus & non nimis longus, molle cubile, animi securitas, assumpta per cibos, & potiones maxime, dulcia & pingua, cibus & frequentior, & quantus plenissimus potest concoqui.*

§ 306. Quod ego quidem auro contra æstimo, & in SERENISSIMÆ PRINCIPIS cubiculo, in cœnaculo, in porticu, ubique locorum aureis inscribendum literis autumo. Quin me abunde meo possem putare officio debitoque satisfecisse, si vel istud misissem tantum. Ex animo dico: Ibi inclusum arbitror, quidquid præceptorum ad SERENISSIMÆ PRIN-

CIPIS valetudinem redintegrandam excogitari jucundum tutumque potest.

§ 307. Atque in hoc me profiteor discipulum Herodici Selymbriani. Quem in lib. de Republ. III. p. m. 622. c. Plato refert instituisse Medicinam pædagogicam, sive quæ Victu atque Exercitiis, in rem accommodatis, Valetudinem corporum & sustineret & redderet.

§ 308. Quam etsi non ubique locum, in SERENISSIMA PRINCIPLE tamen habere, tot rationibus moveor, quot, præeuntem historiam pedepresum secutus, proposui.

§ 309. Multis magnisque laudibus apud genuinos Medicinæ mystas, & meritissime extollitur illud Arnoldi de Villanova, quod est Parabol. med. xv. p. 391: *Potens mederi simplicibus, composita medicamina dolose aut frustra querit.*

§ 310. Me, optarem aureum hoc uncialibus inscriptum superis omnibus Medicinarum liminibus, quò meminisse queant, quotquot ad præscribendum quid suis ægrotis ingrediuntur, atque eo saltem admonerentur abstinere à cubitalibus istis schedis, nulla ratione & sæpe magna festinatione confarcinatis. Sed, si hoc tanti est; quanti esse nobis debet, nolle in Medicamentis, in Manibus quærere, quod unum in Victu, naturalissima medicina, reperire est.

§ 311. Finiturus primum me converto ad Vos, SERENISSIMÆ PRINCIPIS Excellentissimi & magnis vestris meritis longe ac late Celeberrimi

DD.

DD. ARCHIATRI, obtestatum per honorem quem Arti, per amorem quem Proximo, per candorem quem Collegæ, per fidem quam SERENISSIMÆ PRINCIPIS, per pietatem quam Deo Opt. Max. debemus, ut ne eorum, quæ pro salute SERENISSIMÆ PRINCIPIS & ea libertate, quam nobis muneris nostri concedit ratio, dixi, sive consentiens, sive dissentiens, eorum, inquam, nihil velitis aut non ex æquo & bono interpretari aut limis aspicere: quin potius omnia & singula, quod placebit cumque rigore examinare, & ad rationem, si opus, vel cujusque verbi reddendum postulare. Hoc si mihi præstare beneficii dignabimini, spondeo Vos eum reperturos, qui nihil habet prius, quam omnibus officiis vestram benevolentiam demereri, meamque Vobis obsignare.

§ 312. Deinde me converto ad Te, SERENISSIMA PRINCEPS, ocelle Principum, delitia Domini, spes Populi, columna Ecclesiæ, Tibi summas ago gratias, quod me quoque dignata es vocare ad partes & dare honorem in re Sanitatis tuæ consulendi. Te submisso rogo, ut digneris & in hoc consilio agnoscere voluntatem officiosam, promptam, sinceram, quamque habere me decet ad omne omnino SERENITATIS TUÆ obsequium, & propter hanc admittere sub clypeum desideratissimæ clientelæ.

§ 313. Denique me converto ad Te, DEUS animarum, fons vitæ, pater luminum, largitor omnis boni, Te venerabundus, Te supplex accedo rogoque, ut velis SERENISSIMÆ PRINCIPIS

92 DE HEMICRANIA MENSTRUUA.
animam fasciculo viventium inclusam manu fovere;
& Ipsi ad morbum suum hinc in Te fortiter feren-
dum, hinc per Te feliciter superandum abunde vi-
rium suppeditare; & Medicis suis optima ad hoc
consilia inspirare; & Auxiliis universis adesse Tua
benedictione. Ita toto corde, tota anima, totisque
viribus vovebat & tota vita vovebit,

SERENISSIMÆ

CELSITUDINIS TUÆ

cultorum & clientium humillimus,

JOH. ANTONIDES VANDER LINDEN,
Doct. & Prof. Med. Practicæ primus
in Acad. quæ est Lugd. Batavorum.

Lugd. Batav. XXII, Febr. CIO IOC LIX.

I N D E X

eorum quæ in C O N S I L I O continentur.



A fortius, signum paucitatis spiritus. § 20.
Aër afficit hominem.
15. 48. producit morbos. 18. subit etiam

in venas. 17.

Affectus multi si concurrant, cui prius satisfaciendum. 168.

Ambulatio an noceat. 136. ad quid conferat. 13.

Anæmia quid. 33.

Anæmia sanguinis potest esse Symptoma alterius morbi. 192. causa multorum morborum. 164.

Ανταλ & Αιματ & quis. 74.

Anxietatis sedes ubi. 133.

Ars & Natura apte sunt valere contra vim morbi. 160.

Ars sedare dolores aut febres non potest materia morbifica existente cruda & mera. 42.

Artis Medica & τῆς in quo consistat. 3.

Athletica dispositio an propter naturam. 92.

B.

Bira virtus. 81. 82.

C.

Calefactio potest esse causa doloris. 109. 251.

Calidum quomodo expurgetur. 86.

Calor est causa omnium actionum. 250. primum Naturæ instrumentum. 123.

ex homine sponte existit. 114. nimius sanguinem incendit. 138. quomodo vegetari potuit. 13.

Caloris paucitas unde colligatur. 11. 15. 212.

Capitis stupor unde. 104. 105.

Cardialgia quid. 133.

Cerebri calidi signum. 104.

Cerevisie hordeacea virtus. 27.

Chilus quid. 76.

Cibus quid. 76. quæ quantitate assumendus. 275. 276. 277. 278. 279. 280. 281. qualis conveniat junioribus. 272. infirmis. 269. vigentibus. 272. simplex optimus. 270.

Conceptio maris non fit sine robore. 286.

Condita quo tempore sumenda. 266.

Conditi formula. 264.

Confabulatio ad quid conducatur. 13.

Corpus quæ impleant. 305.

Consuetudinem noceant. 301. 302.

Corripi quid. 53. 302.

Cor quid dicatur. 134.

Cruditus an coqui possit. 255. pituitosa producit multa symptomata. 10. quando colligatur. 253. 254.

Curandi methodus in quo consistat. 161. 167.

D.

Defectus naturæ quomodo supplendus. 287.

I N D E X.

Dei numen in Medicina non est otiosum. 97.

Dentium dolor unde. 31.

Diachoretica quæ. 219. 220.

Diata an nonnumquam mutanda. 302. præcisè molestia est. 282

Dies posteriores sapientiores. 8

Diuretica quid. 207. 208. 220

Dolor capitis potest esse symptoma. 40.

43. 46. excitare nausæam. 132.

quomodo curandus. 171. unde fiat.

104. lancinans quid. 59. obtusus &

refrigerans in vertice quid significet. 61. omnis suum in invadendo

& affligendo modum habet. 51.

quid. 122

E.

Exercitatio prodest. 13. 305.

F.

Febres an liceat accendere. 188.

Febris quid. 181. 182. 183. 186. 187.

quomodo curanda. 189. expellat

materiam morbosicam. 123. in-

vadat. 110. 111. 114. 115. 142. 150

nausæam & vomitum excitet.

145.

Femina secunda liberaliter men-

struatur. 65.

Flatus discutientia quæ. 172. multa

mala produciunt. 130. 131. unde.

10. 150. 165.

Fluores quomodo fiant à flatu. 151.

Frigus immodicum nocet. 15. quid

dicatur Hippocrati. 121.

Fructuum usus noxius. 9.

G.

Gula irritamenta nocent. 271.

Gummi Caranna virtus. 172.

H.

Habitus tener quid indicet. 11.

Harere quid. 55.

Hemicrania an fiat à sanguine sur-

gente in caput. 101. an possit esse

symptoma. 163. 170. inducit flatus.

132. quid. 35. 36. 37. ut symptoma

quid indicet. 174.

Hippocrates omnium in arte bono-

rum Author. 196. recte dicitur

Medicinæ parens. 25.

Homo utrum sine Medico degere pos-

sit. 24.

Hordei natura. 79.

Horror quid. 111. 115. 133.

Hydrops quid. 200. vasorum unde

oriatur. 198.

I.

Indicatio communis omnium affe-

ctuum quid. 167.

Inflatio partis quid indicet. 170.

Invadere quid. 52.

Iurantis pertinacia malum corporis

vincit. 158.

L.

Laceratio spiritus quid indicet. 170.

Lassitudo spontanea loquitur mor-

bum. 65. unde. 13.

Lupuli virtus. 80.

M.

Maistiches virtus. 172.

Mederi quis recte possit. 160.

Medicamenta quare ingrata ha-

beantur. 260. 261.

Medicamentum quid. 243.

Medici erecti officium. 294.

Medicina an nocere possit. 238. Hip-

pocratica optima. 236. Pedagogi-

ca quæ. 307.

Medico

I N D E X.

Medico an liceat alios vocare in consilium. 1.2.

Medici iuxta, unde in Hippocrate. 32.

Melancholia unde. 12.

Melancholici quales. 24.239.

Mellis virtus. 237.

Menstruatio quid. 65. 66. 89. quâ quantitate fiat. 88. 91. quando fieri debeat. 87. quomodo fiat. 64. 67. 71. 73. 197.

Menstruationis quantitas unde assignanda. 90. 93. 100.

Meus quid. 12.

Mæstitia unde. 12.

Morbi remittentis signum. 107. 108.

Morborum nutritrix quid. 297.

Morbus altius insidens difficulter soluitur. 4.

Morsellorum formula. 261. 266.

Motus corporis humani prodest. 8. 13. unde dependeat. 141.

Musti natura. 146. 147.

Mutationes in omnibus sunt. 291. quando prosint. 298.

N

Natura est Medicus morborum. 96.

97. febrim excitat. 186. hominis transformari possit. 288. 289.

Natura officium. 303.

Nausea unde. 10. 129. 144. 145. 146. 148.

O.

Olea multi non ferunt. 173.

Oxyura rōphus quid. 25.

P.

Pareoxismo presente nihil agere convenit. 176. 177. 179. 180. 181. 191.

Perspiratio occulta qua quantitate fiat spatio unius noctis. 29.

Pituita origo. 10.

Plethora unde oriatur. 100.

Polioidea quid. 200.

Phlegma quid Hippocrati. 111.

Principes haberi rigide non debet. 296.

Principes in quo negligent plerumque curam valetudinis sue. 246. 247.

R.

Ratio Medica quo nitatur. 51.

Remedia qualia in morbis adhibenda. 309.

Remedium unde desumendum. 157.

Rheuma quid. 121.

Rigor quid indicet. 115. 116.

S.

Salivarium ductuum invenitur quis. 25.

Saliva quid. 152.

Salivatio quid. 103. 108. quid indicet. 121. unde. 103. 108.

Saliva et sudoris an una materia sit. 152. origo. 25. 103.

Sanguis an commoveatur. 66. 67. quid. 11. 76. serosus nocet. 23. 253.

Segnitie unde. 15.

Seri congeries causa est multorum morborum. 193. 194. 195. 197. copia quomodo auferenda. 203. 204. 207. 208. 211. copia signa. 24. natura. 74. 165. 205.

Scythica gens quare minus fecunda. 284.

Sinciput quid. 37.

Somnus unde. 14.

Spiritus laceratio quid indicet. 170. natura. 12. 14. 137. 140. 148.

Spirituum imbecillitas unde cognoscatur. 15. 20.

Spiri-

